

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Christenlich Antwort Burgermeisters vnd Radts zu Zürich,  
dem ... Hugen, Byschoffe zu Costanz, über die Vnderricht  
beyd Artickeln der Bilder vnd der Messz inen zugeschickt**

...

**Zwingli, Ulrich**

**Zürich, 1524**

**VD16 Z 589**

[urn:nbn:de:bsz:31-72244](https://nbn-resolving.org/urn:nbn:de:bsz:31-72244)

80 A

8047

RH

*Handwritten text, possibly a signature or title, in cursive script, partially obscured by a stamp.*

80A 8047 RH



*Cup*

62



# Christenlich Antwort

Burgermeisters vnd Rad-

tes zu Zürich/dem Hochwirdigen zc. Herren  
Hugen/ Byschoffe zu Costantz/über die  
vnderricht beyder articklen der Bil  
der vñ Messzinen zugeschickt.

Also in götlicher warheit  
gründt/das mens  
cklich ersehen  
mag

was dauon vnder Christenem  
volck billich sölle ge=  
halten wer=  
den.

M. D. XXIII.

*Me. von rinst Christophorus frostemaner  
Gregorio Mangolt Constantini.*

aU

[Verf.: Ulrich Zwingli]  
u.a.

an 80 A 8047 RM

M. D. XXIII

= ✓



# Ein Hochwirdi

gen Fürstē vñ Her-

ren hern Hugo Bischoff zū Co-  
stantz vnserem Gnädigen Lie-  
ben herren / vñ Pundtgnossen/  
Enbüted wir Burgermeyster/  
Radt / vnd der Groß Radt / so

man nempt die Zweyhüder der Statt Zürich / vn-  
ser fründlich willig dienst / vñ was wir Leren / liebs  
vñnd gütes vermögend zūvor. zē. Vñnd als wir  
zū V. G. zū merem mal vmb vnderriecht der Göt-  
lichen warheyt / so veer wir daran irrsällig / geschribē/  
das die vns mütlich oder mit gschriffte widerüb bräch-  
te: welches doch alles so vil geholffen / das V. G. ge-  
schriffte vñ sandtbotten vorhat allweg tür bezüget  
wie dero gheines wegs disputieren (welches ouch wir  
nit gebrucht / sund die gschriffte gegen einandren eigen-  
lich verhört habed) zime. Jetz zū letst hat sich die mit  
einer langen vnderriechung von der beyden articklen  
der Bildnussen vñ Messz halb rycklich irer meinung  
lassen mercken / vñnd gegen vns vffgethon / darumb  
wir dero vil danckes wüßend. Dne zwyffel / wo man  
ye vñnd ye in allen dingen fragen vñnd zwyfflen me ant-  
wurt geben hette vffz Götlicher gschriffte / weder vffz  
beduncken / vñnd etwan vffz gvalt: ouch hardiwerum  
die misauerstend dero die gschriffte nach iren ansech-  
tungen / vñ etwan den gewaltigen wolzegefallen tru-  
ckend / hette lassen harfür ziehen / vñnd an tag legen/  
es wärind die irrsäl / misszbrüch / valscher geyst / böße  
sitten zū sölichem vffwachs nie kōmen. Vñnd habend  
von einet sölich gschriffte / die sich in die fünffzig bogē

zücht/zweymal verläsen: einiſt vor nün der geiſtliche  
prelaten/lüt prieffren vñnd gelerten: da by ouch III.  
vnſers Radres/vñ III. der Burgerē geſeſſen: andreſt  
vor gantzem geſeſznem Radt der Zweyhundertenn.  
So nun V. G. ire an vns überſchickte Bericht durch  
den truck (deß wir nitt wartend wartend) hat laſſenn  
vffgan / werdend ouch wir genötiget diß vnſer ant=  
wurt glycherwyß vffkündig / vñnd allen Chriſten ge=  
mein ze machen: wie wol wir vns vormals deß nit er=  
wegen hattend / ſunder lychtlich ſich gefügt / das wir  
die allein ſchriftlich V. G. zü geſandt hettind. Vñnd  
ſidmal V. gnad zü beſundrem anſehen verzeigt / ſöl=  
che meinung vor etlichen hohen ſchülenn verhört ſin:  
welche doch wir ſamt vnſeren ebeſtimpten Prelaten  
vñnd gelerten widerwyſen wellend / das ſy an vil orten  
vñnd beſunder da die häfft ſind / mißuerſtandenn / die  
gſchrift truckt / vñnd geirrt habend. Iſt vnſer verding  
hie das V. G. die red verſtand vff ſölche gelertē rey=  
che: nit vff ſich / die wir allweg irer geburt / als vß vn=  
ſerem land vñnd gebiet / vñnd ampts halb vnuerſert  
wöllend haben: vñnd gegen dero / als ſich getrüwenn  
punggnoffen vñnd nachpuren zint / allweg gepürlich  
halten. Wir ſind ouch ſamt vnſerē lerendē erbützig /  
ſölchen ſchülen ob ſy ſich namlich offnen wellēd / nach  
diſer vnſer wißſchrift / wyter bericht ze gebē / ſchrift  
vmb ſchrift (doch alles mit früntlichem / ſenfftmi=  
tigem geiſt) biß das ſy erſehend vff was grund wir ge=  
buwen vñnd vertröſt ſind. In hoffnung es werdind al=  
le Chriſtliche hertzen offenlich bekennen / das wir an=  
ders nützig / den die waren gottes eer / fürdrung ſines  
worts / vñnd verbeſſrung vnſer armen conſciētzē für=  
nemind: vñnd das nit mit vnſerem ſinn / vernunft / od  
gwalt / ſunder mit dem hällen / ewiglybenden gotz=  
wort /

wort: an dem in die ewigkeit aller gwalt/ vernunfft/  
vnd klügheit brechen vnd abgon müßend. Hierum  
neme dise vnser widerantwort V. G. im besten vnd  
früntlichsten an/ dann sy vß früntlicher Christlicher  
meinung beschicht. Vnd ist vff solche ggestalt gemässi-  
get/ das wir nach ordnung der puncten/ was in denē  
mißuerstäden wirt/ allein das aller notwendigst an-  
zeigen: vnd besunders arguierens/ oder vß menschi-  
chen handlungen zanggens/ verzyhen wellend: dann  
in aller diser V. G. gerten gschrift nürs häßtrigs ha-  
rin gezogen wirt/ des gsüch vnnnd erduren vormal by  
vns nit beschehē sye. Sye die V. G. gott beuolhē mit  
erbietung aller früntschafft vnd liebe. Geben  
vnnnd verlesen Zürich .xc. .18. tags Augu-  
sti. Nach der vnbesleckten ge-  
burt vnser heilands Je-  
su Christi

M. D. XXIII. Jar.

# Christenlich Antwort Bur

germeysters vnd Rades zu Zürich/ dem Hochwirdigen 2c. Herrn Hugon Byschoffe zu Costantz/ über die vnderricht beider Articklen der Bilder vñ Messen zügeschickt. Also in Göttlicher warheyt gründt/ das mencklich erschen mag was dauon vnder Christenem volck billich solle gehalten werden.



**F**ur den Ersten Artickel den V. G. Geleerten in VII. puncten gesetzt/ wirdt fürnemlich gefraget ob die Bildnussen (hie lassend wir vñ dz so zü vorteyl dienet) wider die heiligen geschrifft des nūwen vñ alten Testaments/ vñ deshalb abzetün syendt. Vñ zü vfflösung diser frag für den ersten puncten habed sy fürgenōmen wo für idola vñ simulacra by Juden vñ Heyden genōmen sygind / vñ gebend inerselbs antwurt.

## Vwer G. Geleerten.

Siewyl nun das wörtlin *simulacra* &c. vertütschen wir also: Die Götter oder abgötter der Heyden/ nit wie etlich fürgeben: *simulacra* (die bildnussen) Welches tütsch dz latinisch wörtlin wol zügeb / wo es allein on zusatz stünde.

## Vnser Antwort.

Vnser geleerten verwundrend sich ser/ wannen den geleerten die kunst kōme / das inen in diser materij *simulacra* Götter oder abgötter heisse/ vñ bekēnend doch  
hie by

hie by das die art des latinischen wortes *simulacra* heysse bildnussen. Vermeined wo es also gelte antwurt ze geben/so werde ein yeder sprechen warumb er gefragt wirdt: Das wort heisst wol von im selbs also/aber an dem ort (da es in betrifft) heisset es nit also. Vnd bewärend das schön mit irem duncken/ sprechende vntlang vor disen worten: Wie wir dan gloubend zc. Ist ein argumēt/sam einer spräch: Es ist war/der brieff den du vff min huß vn hoff hast/ der vstruckct hundert guldin: aber hie heisst guldin nun frowen guldin oder rechenpfennig. Also wurd es dahyn kommē/das ein yeder alle fragen vnd zwyffel kōnde vfflösen: dan warumb der hast des götlichen wortes wäre/wurde er sprechen: Es bedüt hie nit also. Da Christus sinen Apóstlen verbüt sy söllind nit herschen nach gewonheit der weltliche fürsten. Matt. 20. sprechende: Aber vnd üch wirt es nit also sin. ) möchte einer rede: Sif wort (üch) bedüt hie nit üch/die apóstel/ sund es heisset an diesem ort *Gens.* vnnnd ist die meinung: Die söllend nit herschen wie die fürsten zc. Wie hand sy der regel so gar vergessen/die von Theologis vnd Juristen gebrucht wirt: *Termini significant idem ubicunq; ponantur, sed non eodem modo:* das ist/ Sie wort heissend allweg ein Ding/Got geb wo sy standind/ aber nit glycher maß. Also müßend *simulacra* allweg götzen/oder bildnussen/eigenlich zereden/heysen: vn wo sy für die Abgött genommen/ werdend sy gezogen von ir eigenschafft. Also auch by vns beschicht/ da wir den götzen S. Petern/ja vnsern Herrgott nennend/ der doch nütz denn ein götz ist: vnnnd habend wir im den namen ggeben/ nit one schmach vnsern Herren Gottes. So nun Exodi am 20. im ersten gebott Gottes so eigenlich der waare got sich selbs harfür tüt / die frömden gött vbüt mit

*Similic argumēt*

*Alind*

*W*

Besundrē wortē: darnach die bildnussen vñ glychnusse  
ouch mit besundrē wortē: wie kōnend sy redē dz symula  
ra in diser materi frōm̄d od abgōtt sōllind v̄t̄tschē  
werdē: W̄issend sy nit v̄ß jres rechtē reglen / das die  
wort vorus in dem gesatz sōllēd nach jrer nat̄rlichē  
eygenschaft genōmen werden: so t̄t̄schind dise wort  
Exodi. 20. Non habebis deos alienos corā me. Nō facies tibi sculptile &c.  
(Sculptile nemend sy hie on zw̄yfel pro Symulacro speciem pro ge  
nere, oder sy mōchtind erst gar nit antwurt geben. vñ  
dis v̄m verstands willen) so werdend sy es nach jrer  
meinung also müssen t̄t̄schen: Su wirst nit frōm̄bd  
oder abgōtt vor mir haben. Su wirst dir nit frōm̄bd  
oder abgōtt machen &c. also wurde vnder andren vnd  
andren worten ein ding v̄ff einandrē zweymal geredt  
Vnd da hie mōchte geredt werden / haben vñ machē  
ist zweyerley / hilfft nit: den also hettind ouch die judē  
mōgen reden: Wir machend nit gōtt / sunder bilder.  
Darus vermerct / dz die bilder hie / nit gōtt verbot  
ten sind zemachen. Aber damit wir nit in den siechtrag  
des wortk̄apfs so k̄intlich vallind / Darus nit frucht /  
sunder nyd / zangg / schmach / argwōn / vnnützer tant  
verkerter menschen k̄unt / wellend wir das h̄all wort  
gottes Exod. 20. vñ Seut. 5. verhōrē. welchs doch die  
V. G. gelertē allweg überschriten / vñ dz am nōtigo  
sten was anzezoegen wie doch dem w̄are / das gōtzen  
verbott im ersten gotzgebott stat / vnn̄d aber veracht  
wirt / v̄ßgelassen habend.

Also stat Exodi. xv. Der herr hatt alle dise wort  
geredt: Ich bin der herr din Gott / der dich v̄ß Eyp  
ten gefüert hat / v̄ß dem huß der knechtschaft. Su  
wirst nit andre Gōtt vor mir habenn. Su wirst dir  
ghen geschnitzet bild machenn / noch einigerley glych  
nuß die oberhalb am Himmel sye / oder vnderhalb  
v̄ff dem

vff dem erdtrich: noch 8 dingen die in dem wasser sind  
vnder der erden. Du wirst sy nit anbättē noch eeren.  
Ich bin din Herr Gott/ der starck yffrer/ der da vff=  
sicht oder heimsücht die Bosshēyt der vätteren biß in  
die sün/in dz dritt vñ vierde gschlecht / dero die mich  
hassend: vnd (harwiderum) barmherzigheyt tün in  
tusent die mich liebhand / vñnd mine gebott haltend.  
Du wirst den namē dines Herrē Gottes nit üppen=  
lück nemen rc. Vnd darnach die X. gebott.

Hie stat für dz erst: Der Herr hat alle dise wort  
oder gebott geredt. Wer wil nun darwider/ denn al=  
lein der vnglōubige der dem Gotz wort nit gehāllen  
wil. Zum andren stellt sich Gott harfür das er vnser  
Herr vnd Gott sye. Zum dritten verbüt er in einer  
gemeind alle Gōtt/ sy werdind verbildet oder nit. Zu  
III. verbüt er eigentlich alle geschnitzen bild vñ glych  
nussen: ouch dz man inen gheinerley eerembiete. Wel  
ches alles in den Hebraischen Griechischen/ vnd La  
tinischen worten mit eygenschafft der puncten sün vñ  
worten vñdscheyden ist. Ander Gōtt. geschnitze bild.  
vñ glychnussen. Auch heysit diß wort schahab eerem=  
bieten mit neygen/ kniebucken/ vnd der glychen/ das  
alles verbotten ist. Zum V. trōwet er übel denen/ so  
sün gebot übertretend: vnd verheißt gnad denen/ die  
sy haltend. So nun die vorgezelten wort alle der tenor  
vnd jnhalt des Ersten Gotzgebottes vnd den zehnen  
sind/ darfür wir sy vestenlich haltend/ soltend sy bil  
lich nie vßgelassen sün: oder V. G. gelerten soltend sy  
nit überschrittē/ sunder anzeygt habē vß was vrsach  
man dise wort dahinden gelassen hette. Dann ye gel=  
tend die X. gebott by vns/ vnd wirdt nit ein büchstab  
vom gsag hinuallē der nit erfüllt werde. So sind wa=  
re sygend Gottes/ die sün wort nit hörend/ mindrend/

abschneidend/oder velschend. Senn die X. gebott werdend in der heyligen sprach die X. wort genennet. Vñ redt aber die gschriffte hie das Gott dise wort / das ist gebott alle ggeben hab / so söllend sy ouch alle gehalten/vnd gheinen weg vnderlassen werden.

Es hilfft ouch die ynred hie nit: Es sygind ceremonische ding/die im nüwen Testamēt nit geltend: Dan die götzen ouch im nüwen testament verbotten sind. Das sy / wie hie vñnd meharnach gehört wirdt / zu schmach Gottes reichend.

Nun stat garnach der gantz stryt / den dise geleertē ründ / in disem fundament / das *simulacra* hie Abgött heysfend. Vñnd wellend doch harnach in iren eygnen Worten anzeygen das sy sprechend die Heyden vñnd Jude habind ire BILDER für Götter gehalten. Wie sy vffz dem 13. Psalmē anzeygend. Hand sy nun die bilder für gött gehebt / da doch *simulacra* stond / was bedörffend sy denn hie der flucht *simulacra* heysfend nitte Bilder/sunder abgött / so sy selbs mit vil wortē erfekten meinent die bilder sygind der Heyden vñnd Juden Götter yin: Senn hie by allweg blybt das die bilder verbotten sygind / gott geb wo für sy die Heyden gehebt habind. Dahyn küpt einer der wider die warheyt sicht / das er sich mit vil red verfühert / vñnd sich selbs abrennt. So wirdt vffz iren eygnen Worten erfunden das *simulacra* fürnemlich bilder heysfend: dann sy dahyn flühend / die Juden vñ Heyden habind die bildnussen für Götter gehalten. Sunst müestind sy nach disem vertütschen (*simulacra* abgött) sprechen: Sy hand ire *simulacra*, das ist Abgött für abgött gehalten: als eygenlich harnach kummen wirdt. Vñnd denn so vallt der vnderscheyd hyn / da sy sprechend: Sy habind die bilder für ire Abgött gehebt. da hilfft nit

nit vast louffen wenn einer ab dem wäg kommen ist/  
ye verrer er loufft/ye me er von dem weg kumpr. All=  
so wäre mitt disen wenigen Worten Gottes die mey=  
nung / die Bilder abzethün sin / starck gnüg / vnnnd  
Dörffte nit wyter arbeyt. Senn welche gläubig sin  
wellend / die werdend den Götzen gebotten lösen: so sin  
dend sy hält darin / dz sy (die götze) als wol als schwee  
ren / ja zeuor verbotten sind. Noch wellend wir et=  
lichen ynzügen / die sy vermeinend hefften / antwurt  
geben / damit ouch den schwachen gnüg beschhe.

Zum anderen mal werdend die Bilder oder Götzen  
offt für die abgött genommen: aber denn ist das  
wort *simulacrum* vneigenlich genommen / vnnnd ist der  
nam des verglychten der glychnus vnd bildnus gge=  
ben. Als da man die Contrafactur oder stud des Kün=  
nigs einen König nennet: nun ist sy nit der König/  
noch nempt man sy den König. Also habed die Heyden  
die bildnus Jupiters nit für den Jupiter gehalten /  
sunder sy habend den Jupiter / vnd andre Götter ver=  
meint in dem himel wonen. Als *Homerus Illiados* α. hat /  
da *Chryses* also spricht: Sie Götter die in den hymeli=  
schen höffen wonend / gebind üch das ir Troy gewün=  
nind. Wag nit vff bilder verstanden werden / dann  
die wonend nit in den hymel. Wie offt spricht *Cicero*:  
*Dij immortales*, die ewigen vntörtlichen götter vñ alle ge=  
lerten Heyden sind des voll. Vffz dem clarlich ersehen  
wirdt / das sy ire götzen glychermas mit den namen  
irer göttē genēnet habend / als ouch wir tünd: nēnend  
ein bild Sant Petern / das ander S. Gerdrutē etc. nit  
das sy das holtz für Martem vnd Saturnum hiel=  
tünd / sunder namtend die bildnus nach dem namen  
dess ires Gottes / den sy vermeintend in dem hymel

wonen. Wie wir auch alle wüßend/ das der Götz nit  
Sant Peter/nit ein Herrgott ist. Welches alles da-  
hin reycht/ das dise gelerten sehind wie sy die vnwar-  
heyt fürgebind / vnnnd vmb sunst aller jr Buw vffge-  
richt sye: dann diß alles nitt hilfft. Die bilder sind für  
vñ für mit dem hällen Gotz wort verbottē/ wie man  
sich joch winde.

Duch dz sy zū vestung diser meinüg die wort Pau-  
li Roma. 1. harfür zühend/ ist schnürrichtig wider sy.  
Paulus spricht also: So sy gemeint hand wyß zesin/  
sind sy zū narren worden/ vnnnd habend die Lē (oder  
clarheyt) des vnzerbrüchlichen (das ist ewigen) Got-  
tes verwandelt mit der glychnus des Bildes eins tödt-  
lichen oder zerbrüchlichen mēschen/ vñ (mit bildnus)  
der voglen zc. Darum sy Gott hingeben hatt. zc. Hie  
verwirfft der heilig Paulus der Heydē wyßheyt/ die  
denocht et was habe gehebt Gott zū eeren/ vñ habind  
jñ angehebt zeuerbildē vñ glychē: etlicher habe in mit  
einer menschen ggestalt verbildet/ etlicher mit eines vo-  
gels oder vierfüßigen thieres: daruß sy sich selbs wyß  
geschetzt/ vnd vermeint sy habinds ia wol troffen/ sy-  
gind doch so verr von wyßheyt gewesen/ dz sy damit  
zū narrē sygind wordē. San er glych darnor spricht:  
Sy habend Gott erkent/ sy habend jñ aber nit geeret  
als einen Gott/ noch danckbar yñ zc. sunder habind  
jnn nach irer rotheyt verbildet. Vffz welchen worten  
am tag ligt/ das Paulus hie jr thorheit darumb schil-  
tet/ das sy Gott mitt bildnussen verglychet habend.  
Was wurd er zū vnseren zyten reden/ da wir me den  
hundert mal me Götzendienstes gehebt hand / denn  
gheine Heydenē

Zū wegerem verstand. Werdend wir von den ge-  
stirnkünstlerē bericht/ das die erkantnus des gestirns  
also habe

also habe angehebt / das ein yetlich land die gſtirn / die  
im aller ſichtbareſt yn / eygenlich erſehen vn̄ behaltē:  
habe ouch denach dem ſelben im gelegnen gſtirn einen  
namen gebē / nach der geſtalt die ſy dem gſtirn meint  
glych ſin. Vſsz dem darnach geuolget / das ſy das ſel-  
big gſtirn für einen Gott geeret / vn̄ ein bildnus nach  
dem namen vnd gſtalt des gſtirns vffgericht: vnn̄  
den Gott / den ſy vermeintend ſölich gſtirn verwaltē  
an dem ſelben vereeret. Byſpyl: Die Aegypter wonē  
vnd dem ſtier / den habend ſy für andre gſtirn erfare.  
Vn̄ ſidmal ir land für alle land fruchtbar iſt / habend  
ſy einē ſtier für einen Gott gehebt / vn̄ in emer geſtalt  
eines ſtieres den irē gnädigē Gott beeret / vn̄ Apis ge-  
nēnet: nit dz der Apis / oder ein and ſtiersbild jr Gott  
wār / dann ſy die fruchtbarheyt jrs landes nitt von  
gheimem bild / ſunder vō dem gſtirn har / oder vō dem  
Gott der des gſtirns gwaltig wāre / erkantend. Aber  
zū vereerung woltend ſy den ſelben Gott denach ouch  
verbildet haben. Saruff ſchmürtz ſy nun Paulus / dz  
ſy ye dahin kōmen ſygind / das ſy der Götlichen krafft  
vnn̄ würckung ſygind innen worden / ſygind aber  
denach in die thorheit geuallen / das ſy die mit bild-  
nuſſen verglycht habind. Saruff aber hält gemerckt /  
das ſy die bilder nit für Göt / ſonder für gſtaltē de-  
nen die Göt glych ſähind / hieltend: das nütz anders /  
denn ein ware thorheit iſt: denn wer hat Gott ye geſe-  
hen? Vnd volgt also hält / das frōmbd Göt verbot-  
ten ſind: es ſind ouch die bilder vn̄ glychnuſſen verbot-  
ten in ſunderheyt. Seßhalb diſsz Commēt vn̄ flucht  
ſimulacra vnd idola heyyend Abgöt / vn̄ krefftig / vnd wi-  
der alle eigenſchafft der worten vnd ſinnes erdicht iſt.

Noch welleđ wir hie ein hälle kundſchafft vſsz der  
heiligen gſchriſt anzeygen / dar an man hält erſicht dz

Die Heide ire götzen nit für gött/sund für bildnussen  
der himelischen (als sy wondend) götten gehaltē ha=  
bend. Als Heliās den opferkampft mit den Baali  
schen vñ waldpfaffen. 3. Reg. 18. Beschach der vff dem  
Berg Carmel/ vñnd hieß sy Heliās irem gott Baal  
rüffen. Dztatend sy/rüffende: Baal erhör vns. Vñ  
als sy das getribend biß zū mittrem tag/ verspottet sy  
Heliās/sprechende: Schreyend vester/ den er ist iwer  
gott: vñd hat villicht ze reden/oder ist an der herberg  
oder vff dem weg/oder er schlafft/ so wirt er erwachē.  
Sie erfindt sich das auch die Baals pfaffenn die sust  
sin bildnus an vil enden hattend/ das bild nit anruff=  
tend/ sunder den Baal den sy einen himelischen Gott  
vermeintend sin. Es erfindt sich auch an den worten  
Heliē das er selbs die Heiden nit dar für gehept/ dz  
sy den götzē für einen gott habind angerufft/ sunst her  
te er verdingt das sy da söltind den Baals götzen ha  
ben: vñd hette denach nit geredt/ wie er villicht verr  
wäre: vñ hette gheins stīm erhebes dörfen zc. den der  
götz wäre gegenwürtig vñ. Das aber die götzē auch  
har widrumb gött genemt werdind vñ gott/ bewärt  
nit dz man an disem ort des gsatztes *simulacra* gött söl  
le vertürschen/ dann man müs die wort des gsatztes  
nach ir eigenschafft bruchen. von dem wirdt harnach  
kumen. So vil von dem ersten puncten/ der wol eben  
lang/ aber zū kürtze der nachkömenden dienen wirdt.

## Der .II. punct

V. G. gelerten.

Jetz für den andren puncten wellen wir vñs der ge  
schrift erfahren wie vñd in was gestalt sy söliche göt=  
ter vereret habend zc. Zum erste/ sy habend inē dient.  
Zum

Zum andren/habend sy hoffnung vnd vertruwen  
in sy gesetzt. Zum dritten habend sy die geschmizleten  
götze vñ künstige oder verborgne ding radts gfragt  
vnd vñ inen wyßgesagt. Zum vierden habend sy die  
steinen vnd hülzinen götzen anbättert. Zum fünfften  
habend sy inen geopfert. 2c.

Vff disen punctē dörfftrind wir gar ghein antwurt  
geben den er ist also an jm selbs. Das die Juden vnnd  
Heydenn solcher gskalt ire Abgött vereret habend.  
Was dienet aber das hie hart da wir von der götzen  
wegenn handlend nitt von der Abgött wegenn. Wie  
wol hie vil bestimpt ist/das wir glychermas den göt-  
zen embietend wie ouch die Heydenn iren Götten  
geton habend/welchs aber im fünfften vnd sechsten  
puncten widrum kōmen wirt. Sarum muß man se-  
hen das der gschrift nitt gwalt beschech. Hie habend  
sy den gebräusten/das sy nitt sehend das die frōmbden  
Gött ein besunder verbott habend: ouch das die bild-  
nussen ein besunder verbott habend. Duchs wellend sy  
nitt sehen das die götzen nitt vor den götten oder erst-  
lich zū götten gemacht sind/ sunder/ für dz ein volck  
vermeint hatt sich einen gott erfunden haben der jm  
helffe oder nutzlich sye/ den hat es erst dem selbē gott  
ein bildnuß vñgericht. Vnd ist also der götz vñb des  
gottes willen gemacht/vnnd ghein götz der gott gsin-  
den sy vermeint: habend ouch den götzen nitt für den  
iren gott gehebt/sunder iren gott in jm vereret. Dis  
wirt ietz für vnd für mit kundschafft offenbar. Exo.  
20. da diß gsatzt von abgötten vnd götzen gruntlich  
stat. Verbütet gott frōmde gött mit einem eignē na-  
men./elohim aharim. Vnd darnach verbütet er mit eignē  
worten vnd mitt vñderscheyd der reden vnnd sinnen  
die bildnussen vnd glychnussen/mit besundren punc-

eten eins nūwē gebottes. Nit mach dir ein geschnitz  
Bild noch einigerley glychnus. 22. Pāfel vnd Themunah.

Als sy nun die kundschafftenn vffz *Iudicum. 2.* harin  
ziehend: Sy habend gedient dem abgott Baalim vñ  
habend verlassen iren herrē 22. lutet als dahin/ das sy  
den Baal für ein gott gehalten / vnd jm gedient ha=  
bend. Ist wol für vns/ den man gheimem anderst we=  
der dem einigen waren gott dienen sol. Wie wellend  
sy aber hieruß Bewären/ dz sy den gözen für den gott  
gehebt habind: als sy in dem vorigen artickel (vñ me=  
werdend) fürnemen: Es sye dann das sy sage wellind  
dis wort: Abgott Baalim/ heist einen gözen. Vnd  
wenn es also sol gelten/ so wirt (wie vor im erstē punc=  
ten gemeldet) ein yeder kōnen alle ding verant wur=  
ten mit einem wort/ denn ein wort wirt im alle ding  
heysen wie er wil/ wirt ouch güt sin sprachē ze lernē/  
weñ einer ein wort kan/ wirt er sprechen es heisse alle  
ding. Als weñ man sy hie fragt/ was heist *simulacrum*/  
werdend sy antwurten/ es heist ein bildnuß. Vnd so  
man spricht: So nun gott bildnussen verbotten hat/  
sol man sy nit haben/ so werdend sy redē: *simulacra* heist  
daselbst nit bildnussen/ es heist abgott. Vnd so man  
hie spricht: Sy hand dem Abgott Baalim gedienet/  
hie seyt er nit von ein gözen oder bild/ sunder vō ein  
abgott: vñ redend aber ir sy habind die bilder für ab=  
gott gehebt. so müßend jr ye redenn Abgott Baalim  
heisse ein bildnuß. Was ist aber den dz für ein schwā=  
cken vnd walen / so man anderst findt weder jr fürge=  
bend/ das jr den den Worten ein andre Bedüttnus vffe=  
tzend: sol man also mit Gottes wort vmgon:

Hierüb wellend wir das wort Gottes durch Mo=  
sen *Seut. 32.* hören: Sy hand jñ (Gott) gereizt mit  
frömbden Götten/ vnd mit iren grüwen zū zorn Be=  
wegt.

wegt. Sy habend den tüßlen vßgeopffret vñ nit gott:  
den götten die sy nit kandtend zc. Hie hört man für  
das erst das sy (die Kinder Israels) gott gereizt hand  
nit frömden götten. Zum andre das sy den tüßle vff  
geopffret hand. Wie bestat aber hie das dise geletten  
sagend / sy habind die gözen für gött gehabt / so er hie  
spricht / sy habend den tüßlen vßgeopffret: heyst ouch  
tüfel vnd göz ein ding: oder hand sy gewüßt das es  
tüfel sind yin: so wäre ye ein torheit yin / dz sy inē vß  
geopffret herrind / so sy gewüßt das es tüfel wärind.  
Sarumb eygenlich vßzesehenn ist das vns nitt vnser  
gßüch von der warheit abfüre. Sie abgött erer hand  
sich nit fürsehen das sy dem tüfel vßopffretind / sund  
sy hand den dem sy opffretend / für einen Gott gehabt /  
noch sind sy aber irrgangen: denn der tüfel hatt sy in  
irrsäligem won gelassen / ja mit aller krafft darinn ge  
halten / inen vß den bildē / die sy irem verwäntē gott  
zü eren vßgericht hattend / antwurt geben / glych als  
ob es vō dem gott käme den sy eretend. Gott aber hat  
inen oft solche irrumb / vnd wie sy der tüfel betrog /  
anzeigt durch die propheten / denen sy aber nit gloubē  
ggeben. Das alles zü verstan gibt das sy ire gött nit  
tüfel nit den gözen habend vermeint zesin / sunder ei  
nen gott der inen vnbeant was: der was aber nütz /  
denn das sy der tüffel blandt. Das erkandt gott vnd  
schalt oft ire gött tüfel. Glych erwyß nempt dz göt  
lich wort oft den gözenn einen gott: nit daß / das ge  
mein volck den gözen für ein gott hielte / sunder das  
es sinen gott vnder des gözen gßalt vereret. Aber by  
gott vñ sinen gloubigē was es sicher / dz der Got / den  
abgötter eretēd / nütz was / den sy wußtend wol dz nū  
ein gott ist: deßhalb sy demnach ire abgöttery vßpo  
tetend / das sy nütz anders eretind wedet den gözen:  
C

Den der gott/ Des der götz w3/ Der wäre nit. S3 wuß  
tend aber die abgötler nit/ sunder rüffend ire ewigen  
himelischen gött an/ die sy doch nit horted/ den sy wa  
rend niets. Vñ wo inē trost oder aurtwurt gebē ward/  
beschach es durch den tüfel. Sannenhar kommen ist  
das gottes wort oft redt/ sy opfretind den tüflen/ vñ  
sy hieltind die götzen für Gōtt. Sarumb/ das by got  
offenbar was/ das ghein gott was weder er/ vñnd die  
antwurten vom tüfel kamend. Sif wirdt alles klar  
in den worten Pauli. 1. Cor. 8. Sa er in der person der  
wolwüßenden/ die sich vermeintend one verletzung  
vom götzenopffer essen/ redt/ also: Wir wüßend das  
der götz in aller welt niets ist/ vnd das ghein Got ist/  
weder der einig. Hatt die meinung: Ich weyß glych  
als wol als jr vilwüßenden vñnd gletten. (redt aber  
zū den Christen die geletert warend/ vnd meintend sy  
möchtind one schaden irer conscienz mitessen im göt  
tzen opffer: dann sy wüßtind wol das nun ein Gott  
wäre/ deshalb die abgött nützig denn das bloß bild:  
darsür aber die abgötler den abgott nit hieltend das  
er nun der götz wär) Ja ich weiß glych als wol dz der  
götz nit ist/ das ist/ dz der ghein gott ist/ dem der götz  
gemacht ist/ denn es ist nun ein gott 2c. Vnd demnach  
volget im. X. cap. darumb das die Heide opfrend / dz  
ründ sy den tüflen/ vnd nit gott. Sy meintend aber  
es wärind Gōtt/ darū rüffend sy die an als Gōtt/  
nāntend sy gött/ vñ nit tüfel. Hie wirt yetz die gā  
tze Sum̄dijes misszuerstands erklärt. Ja sprechend  
sy: Gott nempt selbs die götzen gött/ aber die abgöt  
ler hieltend die götzen nit dar für. Gott nempt sy tü  
fel. Aber die abgötler hieltend sy nit für tüfel/ sunder  
für gött. Noch ist allweg nit vñgestossen das die Bil  
der nit verbotten sygind. Zum dritten spricht er: Sy  
opfretend

opfretend den götten / die sy nit kantend. Siß ist der  
gründ der ganzē meinüg. Hettēd sy die bild für gött  
gehebt / so hettēd sy die bilder wol erkēnt: aber die bil  
der warēd vnerkānter göttē / die aber nūts warēd /  
sunder dz der tūfel sich in inen an statt irer verwāntē  
göttē offnet: denn wondēd sy / Jupiter / Apollo / Apis  
oder Esculapius hette mit inen durch dz bild geredt.  
Sarūb nū hāll gnüg / dz diser punct nit bewāre mag  
das mā die bilder haben mög: den er nit anderst lert  
den wie die abgötler ire gött vereret habind: die aber  
von gott yetz frōmde gött / den zū verspottūg götzē /  
Bald aber tūfel genēpt werdēd. Noch sind Bede / frōmde  
gött vnd gözen verbotten.

### Der III. punct.

Für den dritten puncten / zeigend iūre geleertē vr  
sachē an / warumb die Christenlich kilch die bilder ha  
be zūgelassen vnd verordnet. zc.

Antwort.

Sas ist die Christenlich kilch / die gottes wort eini  
gen loset / vñ sich das allein führen vñ wysen laßt. als  
Christus Jo. 10. eigentlich lert vnder der glychnuß des  
hirten vñnd der schaffē: Sas die schaff den frōmde  
nit nachuolgend / ouch jr stim nit erkennend / sunder al  
lein dem rechten hirten. Nun hat die stim des rechten  
hirten gottes also gehāllt. Du solt dir kein gschnitzt  
bild machen / noch einigerley glychnuß. zc. Also volgt  
das sin kilch die bilder nit haben wirt. Es volgt ouch  
denach dz die kilch / die der widstīm loset / nit ein kilch  
Christi ist: den sy hatt der frōmbden stimengloset. so  
gott redt: Du solt sy nit habē. vñ die frōmdē hand ge  
redt: du solt sy habē. vff dz hand sy den frōmdē geloset:

C ij

so sind sy nit der schaffen Christi/ den die selben losend  
den frömbden nit. Hierumb lassend wir vns die Kil  
chen/ die hie wirt fürgewedt/ nit irren: dan die Kilch  
Gottes setz nütz yn/ das wider Gott ist. Heyße hie  
V. G. ire geleerte den vorigē sylogisum vñ dz consequēs  
vfftrū/ so werdend sy sehen ob svs ouch verstandind/  
wenn sy von der Kilchen redend. Darumb hilfft ghei  
nes leeters zügnis me / so wir Gottes wort habend.

Das sy von dem Concilij zü Constantinopel / das  
VII<sup>c</sup>. jar nach Christo yn / haryn zühend / thünd sy  
vns ein treffenlichen dienst: dan man daran sieht dz  
die vorigen Christē/ die mit aller vnschuld vnd war  
heyt vns wyt übertrossen habēd / noch nie erkent hat  
tend das man die Bilder solte haben: one zwiffel das  
sy wol im Hölichen wort (dem sy styffer anhangtend  
weder wir) sahend / das man sy nit halten solt.

#### V. G. geleerten.

Sie Bilder ermanend vns wie die lieben heiligen  
geläbt habind: reytzend zü andacht: meerend den glou  
ben: fürend übersich: entzünded vns: sterckend vns in  
widerwerdigheyt / vnd in lyden: reytzend vns zü ver  
achtung der welt.

#### Antwort.

Wie wol wir hierüber ghein antwurt / als über  
menschen tant / geben dōzfftrind / noch so etlich schwä  
chen glych sölicher maß ynredend / so vermerckend lie  
ben geleerten. Wenn jm also wär / als ir anzeigend / so  
hette Christus übel versumet das er nit beuolhē her  
te Bilder zemachen / wo sölicher nutz darinn steckte.  
Aber ir nemēds hinder sich an dhand. Man muß vō  
dem wort Gottes gelett werden / vñ nit vō den Bildē.

Nemend

Nemend ein Kind (als etlich redend: Wo mit sol man  
die Kinder leeren?) vnd stellend es für ein bild/ vnnnd  
leerend es nit ein wort vom bild: vnd lassend sehen ob  
es ab dem bild welle erlernē das Christus den tod für  
es gelitten hab. Sprechend ir: Ja man muß es darzü  
leeren mitt dem wort. So hört man wol das es vom  
wort muß gelert werden/ vñ nit vom bild. Jetz sehēd  
ir wz ir thünd: Ir fürend ab dem wort/ das vor recht  
im hertzen gelert hat/ erst hinuß an die bild: von dem  
inneren mēschen zū dem vsserlichen. Sas wort muß  
vns leeren/ nit des menschen / wie wol ers redt zū si-  
nem brüder: sunder das wort das Gott mitt sinem  
geyst in vnseren hertzen vfftrüt / vnd zeuerstan gibt/  
das wir es bekennend/ vnd jm anhangind. Die ding  
die wir empfindend vnd sehend / die zühend vns wi-  
derum daruon. Vñ da gesprochen wirt: Sas ist war  
aber man hat die bildnussen zū gedächtnus des wor-  
tes. Ant wurt: Sich also valt des menschen wort hyn  
vnd hat. Erst müstend die bilder leeren/ yetz ist da-  
hyn kōmen/ das sy nun yngedenck machend: aber also  
sol jm geschehen. Gott hat sy verbotten / darumb sol  
man sy nit haben: man sol aber an ir statt ernstlich dz  
wort Gottes/ vñ on vnderlaß füren. Wir sehend ley-  
der selbs wol/ das die fulen pfaffen das lyden Christi  
ringer an die wend habend lassen malen ( daran man  
nütz weder die geschicht erinneret ) weder das sy von  
einet vnsern prästen/ den alten schalckhafften Adam  
vns vor den ougē anzeygting: vñ demnach die gnad  
Gottes/ die er vns zehilff in zūsendē sins eygnen suns  
erzeygt hat/ lartind. Heyße man sy das wort allen-  
thalb trülich füren/ vñ offter denn vormalis / so wirt  
man sehen das die bilder allenthalb hyngenommen  
werdend: denn man darff ires manens nüt / da man

Itzo (als man sol) mit dem wort manet.

## Ber. III. punct

In dem wirt anzeygt wie lang die bilder gewäret habind.

Hie söllend dise geleertē allweg dencken/ daß/ wie nach sy sich rüemend hynzū bis zu der Apffel zyt zereychen/ das es allweg zewenig ist/ so es Gott nit geredt hat. Christus hat zu den jüngern gesprochen: Der geyst der warheyt wirt üch alle warheyt leren. So sy nun alle warheyt geleert sind / wie hand sy denn die bilder verbotten / so ir meinend man möge sy habens? Es müß ein teil vnwor sin/ üwer fürnemmen/ oder aber der götlich geyst/ der sy söllichs geleert hat. Nun mag der nit brechen: so müßend jr/ vnd alle die üwer meinung sind/ brechen.

Sas demnach V. G. gelerten anzeygend wie (one zweyffel der from) Keyser Philippinus nach d gepurt Christi sibenhundert jar. Vnd nach im der manlich Keyser Leo sibenhundert vnd XXI. jar. Vnd vff den sin sun Constantinus mitt ein Concilio CCC. vnd XXX. Byschoffen. Vn nach dem Leo sin sun. Vn nach denen ouch Nicephorus Scauratus Michael / vnd Leo Armenicus die Bilder habind abgethon. Seygt vns an/ das Gott allweg sin wort offnet/ vnd laßt das herschen: dann sy selbs erkennend / Es habe das verwerffen der bilder bis in die C. jar gewäret. Aber wir sehēd ouch hierin wie starck sich der tüffel ynlegt. Sarumb habend die Römischen Päpst so lang getusset/ bis sy die bilder widerumb yngebracht habēd. Ist ein verhēgnus gottes über die/ so das liecht sehēd vn nit annehmen wellend. Hettind aber die Römische  
Keyser

Keyser den Römischen Byschoff von der seiner gros-  
sen macht vßgezogen / so wäre die genard der bilden  
nit widrumb bracht. Saran wir nun wol erlernend/  
wil man das Gort wort für vnd für in eeren vnnnd in  
den schrancken behalten/ das man die widerbeßzen-  
den pfaffheyt müß ablassen sterben vnersetzt/ denn  
allein so vil izo zü dem ampt des wortes not ist: oder  
aber/ sy wurdind aber als lang grynen vnnnd guzlen/  
biß etwan ein Hyrene kām / ein närrisch wyb / das  
inen widerumb hulffe.

Wir erlernend ouch hie was grossen gwalts/ glych  
by acht hundert jaren hat der Bapst von Rom ge-  
brucht hat. Senn als der Keyser Constantinus dry  
hundert vnd XXX. Byschoff in ein Concilio geht/  
hat der Bapst dem Cöcilio nit geuolget. Aber als die  
Hyrene / die Keyserin ouch ein Concilium hielt das  
im geuel/ das hielt er. Warum galt des Keyserers Con-  
cilium nit als wol als der Keyserinen? Darumb/ das  
es dem Bapst nit geuel. Nun was doch yenes ein mā  
vnd diß ein wyb. Vnd hilfft nit reden: Ja der Bapst  
sol ein Concilium berüffen/ nit der Keyser: denn der  
Bapst hat darnach das wyb lassen ein Concilium be-  
rüffen/ vnd dem geuolget. Vßz dem erlernet wirt dz  
do zermal die weltlichen obren die Concilia berüefft  
habend.

Es habend ouch dozermal etlich Keyser (als die ge-  
lerten anzeygend) die an irem läben gestrafft die sich  
die bilder hinzerhün gewidret habend. Aber yetz tödt  
man die sy dennen thünd. Hie müß die ein that wi-  
der Gott sin. Wer wil aber darinn richten? Nieman  
denn das Göttlich wort: das heyst sy aber dennen  
thün. Darumb lügind die/ so die Brecher tödend vßz  
was grund sy das thüegind.

Dise Hyrene  
hat nach vier  
Reisern mit  
dem Römische  
Bischoff  
die bild wid-  
bracht.

Holtinger

## Der V. punct.

Hie redend V. G. gelerten also: In diesem fünften puncten wellend wir sehenn was grossen vnder-scheyds syge z wüschē vnseren vnnnd iren bildnussen der bedütung halb.

Antwort.

Hie ist nit not über disen puncten antwurt zegebē denn er gar nütz begryfft weder menschlich bedünckē. Vnd habend aber wir das göttlich verbott: Du solt dir kein gschmitztes machē noch einigerley glychmüß zc. Es verführend sich ouch selbs hie V. G. gelerten/also das sy wider sich selbs redend mit offnen hällen wortē: denn im ersten puncten habend sy gestritten *simulacra vñ Idola* söllind in diser materi vtütschet werdē/ Abgött/ denn die abgötter habind ire bilder für Abgött gehalten/ das tügind wir Christē nit. Hie aber/ sprechend sy diß sye ein vnder-scheyd zwüschend iren vnd vnseren bildnussen/ das ire bilder Abgött bedüt habind/ aber vnserē nit: dan ire bilder habind den Jupiter Saturnum zc. ander gött die sündige mensche gewesen bedüret. Vß welchem eigentlich erhört wirt das sy die bilder nit für gött/ sunder für bilder vñ gedechtnussen der menschen die er wan gelabt hattend oder der dingen die sy im himel meintēd läben gehebt habend: das doch ganz vnd gar wider iren ersten puncten ist/ wie yetz gehört. Doch wellēd wir jr eigne wort hie bar setzen/ da mit sy sehend wie wol sy die sacht be- sehen habind. Glych im anfang diß punctens redend sy also:

Wz Saturnus/ Jupiter/ Appollo/ Mars/ Mercurius/ Hercules/ Venus/ Lupa/ Flora vnd der glychen für ein vnuerschempt/ schentlich/ sündig läbenn habēd

habed gefürt/ die wyl sy mensche warend vff erdrich/  
zeygend alle geschicht schryber/ Christen vnd Heyde  
offenlich an. Solche menschen nach irem absterbenn  
habend die Heyden für ire götter vffgeworffen/ dero  
Bildnussen vffgericht/ sy anbätet/ vnd in mancherley  
weg vereret. Vnd ob sy schon die allein für Bilder het-  
tend hebt (als nit ist) was nutz oder frucht hat der  
mensch mögen empfahen / so er sy angesehen hatt. zc.

Sunst hand sy die iren (verstand Bilder) für göt-  
ter gehalten zc. Sehe man wie dise wort zemenstan-  
dind: vor bekennend sy/ das die Heyden den Götten  
zü gedächtnus habind bilder gemacht zc. Sie spre-  
chend sy widerumb (in einem puncten) sy habind die  
Bilder für Götter hebt. Also sol es zü gon/ wo man wi-  
der die warheit stryctet. Das übrig das in disem pun-  
cten möchte ein ansehen han/ kumpt im nächsten.

## Der VI. punct

V. G. gelerten.

Wir wöllend in disem punctē besehen was vnder-  
scheid vnsere bild in dem val gegen iren götzen habē.  
zc. Bald darnach von vnseren bildern redend sy also:  
Wir dienen inen nit: wir setzend gheim vertrauen in  
sy: wir fragend sy nit radts vmb verborgne ding: wir  
opftrend ouch inen nit zc..

Antwort.

Bis har habend wir gesparrt das wir im II. punc-  
ten vffgehencft hattend: namlich/ das verglyche der  
Heyden/ Juden/ vnd vnserer bildnussen. Soch müs-  
send wir abermals V. G. gelerten vormanen/ das sy  
im nechsten puncten selbs/ vnd vormal ouch oft ver

S

sehen habend/ das die Heyden ire abgött in den bild  
nussen geeret habend/ vnd die bildnussen nit für die  
abgött selbs gehalten. wie dann gnügsam über den  
ersten vñ andern puncten geredt ist. Nun halten wir  
die bildnus glycherwyß nit für den des sy ist/ ob wirs  
glych also nennend. den götzen Sant Christoffel/ di-  
sen Sant Klaren zc. Aber wir bruchend vor den gö-  
tzen/ glych als ouch die Heyden gethon habend: vnd  
süchend by denen/ dero die bildnussen sind/ glych söli-  
che hilff/ als ouch die Heyden by den götten gesücht  
habend/ dero die bildnussen warend.

Da sy sprechend: wir dienend inen nitt. wellend sy  
(inen) verston die säligen/ so redend sy nit recht/ den  
wir dienend inen mit offnem gsang vñ Worten in den  
tempeln. Also hand ouch die Heyden dem Jupiter/  
den sy im hymel vermeintend sin/ gedienet. Aber das  
volck Gottes hat es im alten testament vnd im nü-  
wen by den alten Christē nit geton. Wellend sy aber  
(inen) verston den götzē/ so dienend wir inen glycher-  
wyß/ als ouch die abgötler. Wir legend kisten an jr  
vffrichten: nennend die tempel vñnd altar nach inen:  
richtend inen veld/ wald/ vnd Bergkilchen vff: vñnd  
wo die bild an denen orten nitt wärind/ küsse nieman  
dar. Vñnd kan man sölichs nit in den mißbruch des  
gemeinen menschen schryben/ dann Bapst/ Byschoff  
vnd Cardinal gebend Abblas darzū. Vñnd redt aber  
Gott: Sinen herren Gott wirstu anbätten / vñ dem  
allein dienen. Er spricht: allein.

Witer sprechēd sy: Wir setzēd ghein vtruwē in sy.  
Sz ist aber der warheit ganz vnglych (d sälige halb)  
dan wie mēger ist/ der sin vtruwē sälige zewerdē in ein  
creatur setz: der in S. Kattrinen/ diser in S. Jacobē  
S. Barbarē zc. vñ spricht aber Gott: Verflucht sye  
der mensch

Der mēsch / Der in den mēschen vertruwt / vñ der das  
fleisch sinen arm oder sterke macht. vñ har widerum  
Deut. 10. Sinen herrē Gott wirstu fürchtē / vñ im al  
lein dienē / im anhangē etc. Es hat ouch ein yed gebrāst  
sinen heiligen / den die pfaffen offentlich leerend anrūf  
fen: S. Apolloniē für das zanwee / S. Erasmus fürs  
Buchwee / S. Antonien für dz wüerend sbür / S. Va  
lentin für den vallenden siechttag / S. Vindelin (one  
zwyfel ein erdichter nam / od aber vō den Heyden in  
vns geflossen) et was wider zefinden / S. Notpurt dz  
sy helffe gebären. Saran man ersicht / das wir ouch  
wie die Heyden / die gebrāsten geeret habend: dan wo  
ist ein solicher Vindelin ye gewesen / oder dise Not  
purt? Es sind erdicht namen / damit man gelt eruog  
let hat. Also habend die Heyden das fieber / das far  
zen / vnd andere gebrāsten geeret / das sy inen mit scha  
den möchtind. Ser götzen halb. Habend ouch die  
Heyden nitt in die götzen vertruwt / sunder in die  
dero sy warend: wie wol die selbigē nūts warend / wie  
gehört ist: das gloubtend aber sy nit. Es sind ouch die  
einualtigen Christen dahyn geuallē / das sy in die bil  
der vertruwt hand / vnd sy heilig geschetzt / vnd etwz  
vermögens züggeben mit solichen worten: Es ist ein  
gnadrych bild. Vnd sind dahin gefürt vō den pfaffen  
die inen die bilder groß gemacht hand in iren ougen /  
mit besundrem pracht / gsang / zyt / vnd sydentlicher /  
mit besundren ceremonien / neigen / grūst / vñ anderer  
zoubery harfürgestellt / vnd schwarlich lassen sehen /  
ouch nit on besundre versoldung. Wz soltend die ein  
ualtiggenn thūn / do sy also gefüert werdend? vñnd  
inen aber das götlich wort vom götzen verbott nitt  
fürgehalten. Aber da by die götzen mit solichem flyß  
vnd gespenst fürgestellt. Sy habend mit gwalt müsse

S ij

in den götzendienst v allen. Es ist in zwentzig jarē vil  
zūlouffs zū sant Annen bild gewesen. Hie ist garnach  
ghein Capell oder tempel gewesen / mā hatt ein altar  
vnd bild in sant Annen eer v fgericht: vñ ist demnach  
der pfaff oder münch dargstanden: Ir louffend sant  
Anna nach in verre land / nun habend doch wir hie ein  
eigne Sant Anna zc. Wār was aber die Sant Anna  
anders / weder der götz: denn die waar ist himel. Se-  
he der man zū / ob nit das in den rechtē waren götzen-  
dienst yngeführt sye. Sy die geistlichen habend die gö-  
tzen ouch nit lassen anrühren / damit der einualtig de-  
ster mein jr eer gezogen wurde / sidmal sy so tür wārid.

Demnach sprechend sy: Wir fragend sy nit radts  
vñ verborgne ding. Wie vil sagt mā fablen dz ouch  
die bilder geredt / geweint / vñ diß oder jens geheissen  
habind: wir wellend gschwygen / das garnach ein ye-  
der zū sinem patronen sich also versehen hatt / das wo  
jñ in zwifel oder geuar ein komlicher radtschlag yn-  
geuallen / gesprochen hatt: So gab mir der lieb Helg  
inn sinn. Vnd ob wir glych nit wie die abgötler die v-  
fürischen vnd duncklen antwurten gsücht habend.

Für das lest sprechend sy: Wir opfrend ouch jnen  
nit / da wir doch vor ougen sehend / das inen so vil zū-  
getragen ist / das gheine vnglōubigen jren abgöttē so  
vil je zemen gelegt habend / od das so vil gūtes in irem  
dienst verzert sye. Wir henckēd an sy gold / silber / edel  
gstein so vil das so man allein die schätz der kleydern  
vnd Kleinoten ansicht / wir jnen me habēd anghenckt  
den alle spitāl der armen vermōged: denen doch gott  
heißt ze hilff kōmen. Sicht man aber den andrē schatz  
vnd hab an / so ist nit allein alle barschafft / sunder der  
boden selbs über das halb hinuß der geistlichen: vñnd  
aber alles vnder dem namen der götzen. Das ist sant  
Peters

Peters erb/ Dißz vnser lieben frowen/ ein anders eins  
andren götzen. Vnd sprechend denn: Der lieb helg ist  
arm/ tragend harzü. Weinend sy den jm hymel: wie  
kan er denn arm geschetzt werden? Also ist kundbar/  
das sy nun von dem götzen redend: denn wie kan die  
hochwirdig jungfrow Maria arm sin/ die jetz in dem  
himmel ist? Es hilfft ouch hieby nit vnreden: Wir hen  
ckend sölich güt nit an die götzen/ sund den lieben hei  
ligen die jm hymel sind zü eeren. Sann so man inen  
mitt zytlichem güt wil eer anthün / solman es an die  
ort geben/ da Gott geheysen hat/ vnd die lieben heyli  
gen ouch gethon habend: Sen armen. Nit denen die  
mit irem gutzen die hüser der armen witwē fressend:  
vnd redend bim gold des tempels/ vnd bim opfer des  
altars sye böser schweeren/ weder bim tempel oder al  
tar. Ouch nit denen/ die dz gebott: Su solt vatter vñ  
müter eeren) also brechend/ das sy zü den kinden spre  
chend: Gib vns/ vñnd so der vatter vßz mangel hou  
schen wirt/ so sprich ich hats in dinem namen in tem  
pelschatz gelegt zc. Also ist kundbar/ das die geystli  
chen zü dem götzenopfer (denn die sälligenn jm hymel  
dörffend gheins opfers des zytlichen güts) gereyzt  
habend vmb ired nutzges willen / Biß sy damit me gü  
tes überkömen denn gheine abgött oder götzen ye ge  
hebt habend. aber mit dem namen: Es ist nit min/ es  
ist S. Peters/ S. Dethmars (nit dero jm hymel/ den  
die bedörffend vñnd wellend sin nütts/ sunder das es  
den armē ggeben werd: also volgt/ dz dem götzen S.  
Peters oder Dethmars zügeschriben wirt) habend sy  
die vnsaglichen rychtag zemenzogen. Vnd sprechend  
demnach/ wir opfrind den götzen nit. Wir wellend  
ouch hie gschwigen der läbenden opferen/ die jnen ge  
bracht. wachs/ werck/ korn/ silber/ gold/ Kleinot. zc.

S iij

die für sy gehéctt werdéd. Welchs aber alles zü nach-  
teil der eer gottes reicht: welche denn vereret wirt/ so  
man in in den armen eeret: vnd ist die welt allenthalb  
solcher gsfalt erermt worden.

Das sy hie by redend/wie wol dero vil sy gind die  
das gotz wort velschind / zwingind vnd biegingd / den  
gemeinen man betriegind vmb gwüns oder Nydts  
willen predgind / zü rechen vnd vnghorsame ziehind /  
sölle darüm das gotz wort nit vnderlassen werdē. Er-  
fröwt vns seer / dann etlich vns vmb des willen schel-  
téd dz wir es styff lassend by vns füren: die doch nihts  
darwider könnend / noch zü gegen kömen gdörend / de-  
nen ouch dise gelerten nit vnglych sind: die einist spre-  
chend *simulacrum* sölle in diser materi ein abgott vertüt  
schet werden / denn die Heiden habind die götzen für  
göttt gehebt. Bald demnach redend sy: Sie bilder sy-  
gind de Jupiter / Saturno / andrem gstein gemacht.  
So sy nun den Worten gottes andre bedütung zü le-  
gend / weder sy von eigenschafft hand / oder sy vß heli-  
ger gschriffte bewären mögend: vnd meinend aber vö  
vnserem fürnemen vns da mit abzefüren / danckend  
wir V. G. hoch / das vns die zü standhaffte ermanet.

Demnach zeigend sy an: dz der misszbruch der bil-  
den da har köme / das der tüfel die einualtigē mensche  
da mit von der rechten ynwendigē vererung abzücht  
da mit aller andacht / gloub vnd vertruwe in die bild-  
nus zogen werde. Sif achtend wir das warest / das sy  
vnder aller irer leer geredt habend / darumb hatt sy  
ouch gott verbotten / das er wol weißt das abgöttery  
allweg daruß entspringt: darüm sol man sy ouch den-  
nen tün. Duch da har: Das die hümlesig sind / die das  
gotz wort füren soltend. Ist ouch war / denn hettend sy  
dz erst gebott gottes allweg verkündt / wie es *Exo.*  
am

am. xx. stat/ wär ghein götz vnder Christenem volck  
nie worden. Aber zeigend sy den gyt an. Ist ouch war  
vnd vnläng dauor von vns selbs anzeygt: Das der  
gyt dargstanden ist/ vnd dz er an die bilder vñ an sinē  
nutz ergutzlet/ hatt er vff die sältigē gelegt. Demnach  
zeigend sy der abgöttery der bildē aber ein vrsach an/  
die vngheorsame des gemeinen menschen die inen die  
walfert nit weeren lassind vñ vnordenliche eer der bil  
den. Das wir nit zū lassend: den hert man sy ye mit de  
wort recht gefürt/ so wärend sy in solche eigenrichtige  
nie kōmen: das sicht man an dem/ dz sy yetz so bald sy  
der waren leer gottes bericht werdend/ die ersten sind  
die verfürung der bildnussen abzetün. Darumb sind  
des vals im volck vrsach die bösen pfaffen: als die ge  
schriffte redt: Sie üppigkeit die an die bilder glegt/  
wirt ouch nit schaden mögen/ so mā die bilder überal  
nit haben wirt. Sie man aber billich dennen thün sol  
so solch groß geuerd der abgöttery ( als dise gelerten  
selber veriehend ) an inen stat: denn abgöttery ist die  
gröste sünd/ vñ möged die nutzbarheitē die sy in den  
bilden anzeigend/ die schwäre diser sünd nit abwegē.  
Darum hörēnd ouch jr/ D/ lieben gelerten/ das gots  
wort/ dz ist nit liederlich / nimpt nit kindēspil für sich  
sünd gwüße ding: vñ sidmal gwüß ist/ dz der götzen  
dienst so schwär/ ouch so gwüß volget wo mā die bil  
der hat/ darüb vbüret es die. Sem on zwysel alle die  
volgē sollend/ die sich Christen vnd gläubig rümend.

## Der VII. punct.

Im sybendē puncten werēd sy sich vor den geschriff  
ten/ die bildnusse so hält vñ starck verwerffend/ doch  
mit gheiner anderen widerwer/ den das sy sprechend:  
wo bilder verbotten werdend/ es werdind nū die ab  
gött verbottē. vñ sehend doch das vil geschriffte dar

geton sind/ die allein die abgött verbiend / welches  
das fürnemest ist. Das doch sy schupfend vñnd spre-  
chend allweg an den selben orten: Hie wirt der bilden  
nit gedacht. Sind nun bilder vñ abgött ein ding/ wa-  
rumb schupffend sy dann die gschriff/ die allein von  
abgötten luter? Sy sehend ouch das noch me gschrif-  
ten dargeton sind/ die bilder verbütend/ damit man se-  
he dz yetweders in sondheyt verbotten sye. Wie wol  
das war ist/dz Gott/ der wol weist das ghein abgott  
nüts ist/ ire abgött nun stummend gözen nennet: so  
wüßend doch sölichs die vngläubigen nit/ vñd ver-  
meintend der abgott wäre et was wyter weder nü ein  
hülz in oder stein in bild. Desehalb sy sich nit eines or-  
tes vßz dem gotz wort harfürgezogē/ hand mögen er-  
weeren. Denn ouch das wort des heiligen Johansen  
1. capit. 5. Ir sün hütend üch vor den bildnussen oder  
gözen ) nit in anhang der vor drigen meinung geredt  
wirdt/ sunder ist es by den Griechischen Biblinen/ vñ  
alten Latinische ein abgösündrete red/ die er zum let-  
sten als ein grosse starcke nutzliche meinüg geredt hat:  
von dero er nit wyter wölt reden den das sy sich kurz  
daruon vergoumen söltind.

## Beschlusszred.

Hierumb G. Herr. onangesehen was diser oder  
jener schynlichen fürgeb/ wie die bilder vns glycher-  
wyß als die gschriff lerend: dann ghein gschriff das  
menschlich hertz erlernen mag/ es werde denn innwen-  
dig von dem götlichen liecht erlüchtet vñd gezogen:  
noch vil weniger die bilder/ dan der sun gottes Jesus  
Christus heist vns die gschriff erfare/ ouch Mosen  
vñd propheten lasen: aber zü gheinem mal spricht er

Machend Bilder oder ersüchend die Bilder. Deshalb es  
V. G. gelertenn fürsorg auch nit bedarff/ da sy meir-  
nend (darumb das sy die Bilder gschriffte nennend) rü-  
ge man die Bilder hin/ so werdeman auch die gschriffte  
des göttlichenn wortens vnderstan abzetün: denn ge-  
schriffte ist vns gebottenn ze erfahren/ vnnnd die Bilder  
verbottenn zehaben: sunder angesehen dz götlich wort  
vnbetrogenlich ein liecht vnnnd trost des gläubigenn  
menschen ist: harwidrumb so es veracht vnd überse-  
hen wirdt ein gwüsse vrsach der gröstenn üblenn ist.  
Duch angesehen/ das es in die ewigheit stät blybt/  
vnnnd es ghein creatur mag demnen thün/ sunder das  
alle so sich des vndernemend/ zü spott komend: dar-  
uß wir auch geuolget sehend / das die verlasne im  
göttlichen wort zehundert malen me götze vnder den  
Christen geborn hat / weder vnder den Heyden je ge-  
wesen sye: da mit den armen nit zügangen / als abet  
gebürt hette vnder Christenem volck: vnnnd darge-  
gen die hochfart vnd gspenst in den tempeln mit schil-  
ten vnd zeychen so vnuerschampt vfgangen/ das es  
ein spott ist. So habend wir vns im namē gottes er-  
wägen. Vnd die Bilder in den tempeln vnnnd wo sy zü  
abgöttery (die nitt allein ist so man götzen anbättet/  
sunder so oft man anderswo trost vnd hilff sücht we-  
der by dem einigen gott vnserem herren) vnnnd von  
dem schöpfer zü der gschöpft habend mögen reyzen/  
oder ziehen/ mit vßgeschosnen bescheidnē vnser statt  
Burgeren verschafft hingeton werden / one geschrey  
vnd müttwillen/ da mit wir gheinen schwachenn ver-  
ergerlich wärind. Gwüsser hoffnung wir Gott daran  
gedienet habind/ vnd ob glych ghein anders/ das doch  
dises güt hinfür darus volgenn werd/ das der kost so  
biß har an den götzendienst gelegt/ fürhin den armen

℞

züfliessen wirt : welches ein vngezwysterer gotzdienst  
ist. Habend ouch nit mindre züuersicht zü seiner er-  
bernd vnnnd krafft/ er werde das so er angefangt/ ve-  
sten/vñ bewarē: dan er die in jñ vohoffend/ gheine weg  
verlast. Verstande V. G. alle ding im besten.

## Von der Messz.



Von des anderen ar-  
tickels der Messz wege / fraged  
üwere gelerten also:

Ob vnserer Mütter die heylig  
Kirch im Sacramēt des altars  
durch ire diener die priester et-  
was vopferere gott dem hymeli-  
schen vatter.

Vnserer frag ist vormals nit also fürgehebt / sunder  
also/ ob die Messz ein opfer sye: ouch das die Messz/  
als sy ein lange zyt gebrecht/ grosse mißbrüch hab. Al-  
ber wir sehend wol das sy mitt sollichem vffrüsten der  
frag diß anrichtend / das sy die Kilchē zü opfren brin-  
gind/ vnd den pfaffen. Soch wie sy ir fürnemēen für-  
rend/ komēnd sy zum letsten dahyn/ das sy sprechend:  
Christus sye der sich selbs da vopferere. Warum hand  
sy den die frag nit also gestelt: Ob Christus sich selbs  
vopferere/ wenn die Kilch vnnnd der priester vopfref  
Sise frag sähe irem fürnemēen glych. Aber sydmal sy  
ires fürnemēens gheinen heytren grund/ habend sy so-  
liche renck der senften süßen worten gesücht / vnd ein  
solliche lange red geführt/ das die lenge billich by ein ye  
den argwönig werden müß: Dann hettind sy ein häll  
wort

wort Gottes/so bedörfft es nit vil klügens. Doch da  
mit üwer gnad nit gedēcken möchte vns me vssz vn=  
berichte der sachs schwygenn/ weder vssz schlechtach=  
tung dero irer vilualtigen anfechtungen/wellend wir  
iren misunderssteden gern antwurt geben/ damit die  
warheyt für vnd für zü der eer Gottes harfürbracht  
werde/ vnd die finsternus sampt der vnwarheyt ver=  
tagt. Vnnd wie wol alles das hierinn haßten möchte  
(so verr es krefftig wer/ als es gsehē wil sin) vormals  
ouch in den gesprächen eigenlich gehört/ vnd verant=  
wurt ist/ wellend wir nit des minder vns nit bedurē  
lassen/ was notwendig vnnd fruchtbar sin mag/ wi=  
derumb zehandlen/ damitt das liecht des baß erkent  
werde.

Vnd so alle gschrißten im nüwen Testament hey=  
rer gnüg sind das sy diß Sacrament ghein opfer/ sun=  
der ein widergedächtnus vnd gemeine vereining nen=  
nend/so keerend sy sich zü dem schatten des alten Te=  
staments/vnnd wellend mit dem et was bewären in  
dem liecht/das wir aber in dem liecht nit findend. Zü=  
hend also Gen. am 14. den handel Melchizedeks/ vnd  
die straffred des propheten Malachie am 1. harfür.  
Sarum wellend wir in denen gruntlich erschē was ir  
natürlicher sinn sye/vñ demnach disen geleerten gnüg  
than habē: denn hierinn all ir gebüw gründt ist. Wir  
wellend ouch die grossen vdrüssz/ die wir wol gedēcke  
mögē mit besundrem flyß yngeführt sin/ gern durch  
dhand louffen lassen. Als mit dem Proferens vñ Offerens.  
Das die vnseren vff dem gespräch nit vf ban gebracht  
habēd/ sund die/ so vssz der Messz ein opfer wellēd ma=  
chen. Duchs dz Cohen nit allein ein priester/ sunder ouch  
ein obresten/herren/ oder fürgesetzten heysse. Dann  
sy sölichs nit vssz inē/sund vssz dem Capnione habēd.

vnd der glychen vil. Auch wellend wir vnser red/ wie  
im ersten articke/ der Bilden halb anzeygt ist gegen di  
sen gelerten gericht haben/ vnd V. G. darzwüschend  
gern sehen zü lösen.

Der vrsprünglich/ das ist der hebraisch text/ hat  
Gene. am XXIII. also: Vnd Melchizedek/ ein künig  
zū Schalem hat hinußgeschafft kōmen brot vñ win.  
Der w3 ouch ein priester des hohe gottes. Vñ er hat  
im (den Abraham) gebenedyet ( das ist Gottlobet/  
als wir sprechend ) vnd hat geredt: Gebenedyet ( das  
ist hochgelobt ) ist Abraham dem hohe Gott schöpfer  
der himlen vnd erden: vñ gebenedyet ( das ist hochge-  
lobt ) sye der hohe Gott/ der dine sygend in din hand  
ggeben hat. Vnd er (Abraham/ als Hebr. 7. ) hat im  
den zehenden ggeben von allem.

Hie wellend wir für das erst üwer gsuech der vñ  
stenden mit dem claren text vñkeren/ vnd demnach  
anzeigen was Melchizedek in Christo bedüt hat: mit  
vßz vns/ sund vßz Gottes wort. Sie geschicht ist hie  
clar/ das/ nach dem Abraham über die künig gesiget  
widerum heim keert: vnd als er für Schalem hyng-  
zogen/ hat Melchizedek uerschaft hinuß kōmen brot  
vñ win. Da sprechend aber ir: Abraham hat sin spys  
noch so bald nitt verzert / darumb er Melchizedeks  
spys nitt dorfft. Daruß nun vermerckt wirt das dis  
nitt ein handreyhung/ sund ein opfer gewesen ist. Ant  
wurt. Stat ouch an einigem ort das Abraham spys  
habe mit im zū der reys genomen. Vnd dis sagend  
wir nun daruñ/ das ir erkennind wie ir die vñstend  
der geschriffte so schelb anschind. Das aber Abraham  
dem künig von Sodomia by Gott schweert er welle  
alles des synen nitts nemen etc. vßgenommen das die ju  
gend geessen hette/ hat nitt die meinig das Abraham  
welle

welle sagē: Wir hand die spyß/ die du zū reyß gerü-  
stet hattest/ wider gewinnen/ vñ daruon geessen/ die  
Könnend wir dir nit widergeben. Senn das wäre vn-  
fry an Abrahamē gewāsen/ das er den künig vō So-  
doma so nachgültig hette geschätzt/ als ob er sölichem  
nun sölt nachfragen: sunder die meinung Abrahams  
ist/ er welle hieuon nützig nemē/ vß genommen das die  
synen in spyß verzeert habind. Wo für ist aber diser  
Eintlicher vñstand/ gott geb wie mans von der spyß  
verstande? Warlich niemen für/ denn das man lang  
vñ nützig reden spinne. Sehend hie har/ das man ouch  
den aller grōßten vñnd rychsten herren win vñd Brot  
schenckt/ so sy in reysen oder sunst fürwandlend/ ob sy  
glych dero ghein mangel hand. Also hat im ouch Mel-  
chizedek geton/ als er des siges Abrahams innen wor-  
den/ hat er jñ mit schēckung wellen vereeren. Vñ die  
pfligt man noch hütbytag in aller welt gegen den rey-  
senden mit win vñd Brot/ vñ anderer spyß fürhartra-  
gen. Was wellend ir des Knopffs hie/ da es so heyter  
ist. Sarzū mocht Melchizedek nitt wüssen wie wol  
Abraham genasset wār mit win vñd Brot. Sise mei-  
nung zeygt das einig wörtly Hozī an (den Griechen  
*ἱερέως*) das rymt sich by den Hebreiere ouch Griechē  
gar nit zū gheimem opfren: da sy zabah oder karab bru-  
chend/ sunder heyst es eigenlich hat gemacht oder ge-  
schafft hynuß kōmen / hatt hynuß getragen/ doch ist  
das erst das eigenlicher: Ist clar das hieruß das opfe-  
ren nit mag gezogen werden/ das Melchizedek Abra-  
hamen geopferet hab.

Sarnaß zühend ir haryn/ Es werde hie nit ver-  
standen das Abraham von dem win vñd Brot genos-  
sen hab. Ach lieben gelerten/ warumß zühend ir doch  
diß wort so vñfürsenhenlich harfür: dan daruß vol-

gere das wie Abraham dauon nitt geessen hette/ also  
wir das sacrament des altars ouch nitt essen söltind/  
das ghein Christen man reden sol. Man muß doch se  
hen das ir dabyn gericht sind/nun das ir redind/gott  
geb was ir redind.

Demnach stryrend ir starck das in der latinischen  
sprach enim stande/ sye ein causalis. Was ligt daran?  
Sie Hebreier habend sy aber nit. Auch so hand sy die  
Griechē nit. Sie wäre inen (γὰρ) so habed sy (ὅτι) Mo  
ses hatt hie den Melchizedeck wellen von aller siner  
würde beschryben: dz er ein künig vñ priester sye. Vñ  
ist *Descriptio Personae* beschrybung sines wesens von den  
empteren har. Dar zü/ so ist er ein priester des hohē/  
das ist des obresten waren gottes gewesen/ deshalb er  
gheiner creatur hatt gmögen vsopfren. Wie hette er  
dem Abrahamen vsoopfret/ oder wie hette Abrahā  
das gelitten/ der wol wüßt das allein dem höchstem  
gott sol vsoopfret werdē. Vder wie wäre Melchize  
deck ein sygur Christi gewesen/ so er ein menschē (wel  
ches abgöttisch ist) vnnd aber Christus dem einigen  
Gott sich selbs vsoopfret. Vß dem jr wol mercked  
das Melchizedeck ein bedütung Christi des opfrens  
halb gewesen ist/ darüm das er dem höchsten gott ge  
opfret hatt: nit darüm das er Abrahamen geopfret  
hab. Sen das wäre nit ein priester des höchsten got  
tes: sunder der creatur. Vñ ob jr glych demnach off  
also arguierend/ Melchizedeck hatt Abrahamē wyn  
vnd brot vsoopfret/ Ergo, darüm/ so ist das Sacra  
ment des altars ein opfer. So ist doch vnwüssender/  
vngegründter/ vngewölgiger argumēt nie gehört od  
gemacht. Sen zü ein teil ist das *Adsumptum* oder *Ante  
cedens*, das ist/ das fürgenomen vallsch/ denn das göt  
lich wort/ das war sin muß/ das da spricht: Melchi  
zedeck sye

deck sye ein priester des höchsten gottes vin: mag nit  
erlyden das er Abrahame vfgesopfert hab. Also muß  
Demnach alles das vallsch sin/ das daruf geouwennt  
wurt. Zum andren/ so zeygend an/ wo dise consequenz  
oder volg/ grund hab. Welchizedeck hatt Abrahamē  
wyn vñ Brot vfgesopfert. Ergo, so volgt. Das Sacra  
ment des wyns vnd Brots ist ein opfer. Wo ist hie ü=  
were *Logica* ir hand ir wußt vergesse. Noch so trybed  
ir dise vngründte consequenz durch die ganzenn ge=  
schriff vñ vnd us. Bruched das kunststück der red=  
neren. Die das sy nit bewären mögend/ statts onuer=  
schamt redend: da mit der/ so gegen redt/ zum letsten  
sölchs onuerant wurt lasse/ dz der richter etliche weg  
in vergessen köme/ vnd denn wāne/ es sye onuerant=  
wurt. Also trybend ir dise vngründte/ vnuolgende  
consequenz/ glych als ob irs mit vile des klappens er=  
obren söllind. Vnd verdrüßt vns übel mit den conse=  
quenzē vñ zegan. So aber iwer flyß aller/ nütts den  
consequenzen vñnd ghein hält görtlich wort hatt/  
müssend wir wider vnseren willen sölchem tant ant=  
wurt geben. So ir aber ye überein güt geuölgig con=  
sequenzen wellend haben / so müßend ir mit Wel=  
chizedek/ des opfers halb/ also vmbgan. Vñnd zür=  
nend nit/ das wir üch lerend. Für das erst/ gstand  
wir zu beden teylen einandren ( denn es ist das gört=  
lich wort) das Welchizedek ein priester des höchsten  
Gottes gsin ist. Zum andren/ das er ein fygur  
Christi ist. So nemmens yetz also in dhand. Eins  
yeden priesters ampt ist opffrenn ( Hie redend wir  
von dem einen teyl des priesterlichenn ampts/ nam=  
lich opffrenn/ dann von des lerens wegen ist hie nüt  
vff der ban. Vñnd im nūwenn Testament ist ghein

opfrender priester/denn der einig Christus) Melchizedeck ist ein priester. Jetz volgt: so muß er ouch opfren. Vff disen syllogismum volgt. Chistus ist ein priester nach der ordnung Melchizedeck: so muß er ouch opfren. Aber disz volgt nit Melchizedeck hatt Abrahamen wyn vnd brot geopfret. So muß ouch Christus wyn vnd brot opfren: denn dz erst ist nit war dz Melchizedeck Abrahamē wyn vnd brot geopfret hab. Als der nachgend syllogismus bewäre wirt. Sen die gschrift vnderlassend wir hie darumb das ir sehind/das ouch nach üwrem rechnen nit erlitten werde mag/ dz Melchizedeck Abrahamen geopfret hab/also. Ein yeder priester des obresten gottes wirt darüb also genempt das er dem obrestē gott vsopfret. Melchizedeck ist ein priester des obrestē gottes. Jetz volgt. Melchizedeck opfret dem obrestē gotte. Vñ Christo *Minor* also: Christus ist ein priester des obrestē gottes: so opfret er ouch dem obresten gott. Sz hatt er einist am crütz gehon. Aber vñ Melchizedeck volgt das er Abrahamen nit hatt mögen opfren/ oder aber er hett nitt ein priester des höchsten Gottes mögen genennet werden: sunder ein priester Abrahams. Sen es mag ein ander als wenig erlyden/als gläubig vñ vngläubig sin/ Gottes priester sin vñ Abrahams priester sin: denn alle so der creatur opfrend/ sind nit priester des schöpffers. Vñ welchem allem eriagt wirt/ das ir ouch mit üwren consequenzen wythen müßend vñ nachlassen/ dz herfürtragen Melchizedecks nit ein opfer gewesen ist. Darum alles gebüw/das ir demnach daruf buwēd/hinuallen müß: wie wol ir so dick redend/ Melchizedeck hatt wyn vnd brot vsoffret/ so opffret ouch Christus täglich sich selbs in wyn vnd brot vso.

Duch zeygend ir üwer kunst der zungen vnd sprachen

Gen Klüg an / da ir in der fierden Bewärnuß / das Melchizedeck als ein priester wyn vnd brot herfür getragen hab / also redend: Das Melchizedeck als ein priester brot vnd wyn hab herfür tragen / den zehenden empfangen zc. nit als ein vogt / verweser / oder weltlicher amptman / zeiget vns das nūw Testamēt luter vnd clar an / in kurtzen jarē erst vß dem Hebraischē vnd Griechischen vertolmetschet vnd ernüwret. zc. Man hört wol das ir die schinbein übel im Hebraischen nūwen testament zerstoffend. Wo habend irs ye gelesen in Hebraischer sprach geschriben sine Vnd ob glych das Euangelium Matthei in Hebraischer sprach erstlich geschribē wār / als etlich vß Hieronymo wellend bewären / so ist es doch in gheinen tusend jaren in Hebraisch nie ersehen worden / der glychennouch die Epistel zu den Hebreieren.

Soch redend ir im fünften punctē da selbst: Das Christus / nach dem als Melchizedeck ein künig sye / nit ein priester nach seiner ordnung sye: sunder nach dē als Melchizedeck ein priester sye / dan Christus rych sye nit hie dannen. Warumb lerend ir solchs nit / die so sich vicarien vnd statthalter Christi rümen / das sy nit herschind / als die Regenter diser welt: Sind sy statthalter / warumb tünd sy den das inen Christus nit beuolhen / ja das er inen verboten hat:

Das aber Savid im 109. Psalmen spricht vff den herren Christum: Der Herr hat geschworn / vnd wirt in nit rüwen. (was hat er geschworn?) Du bist ein priester in die ewigheit nach der ordnung Melchizedeck. Nemend ir also in dhend mit vil worten: Christus ist ein priester nach der ordnung Melchizedeck. Melchizedeck hatt wyn vnd brot geopfret. Jetz volget: Christus opfret vnder wyn vnd brot sich selbs

ewiglich. Sie ist die mittel red ganz vnd gar präst=  
hafft. Zum ersten/das sy nitt waar sin mag/deshalb  
ghein wares vffz jro Kommen mag. Zum andren/so  
sy glych waar wäre/als aber nit möglich ist/so müß=  
te sy also ston: Welchizedeck hat win vnnnd Brot in die  
ewigheyt vffgeopferet / wenn daruß volgen sölte das  
Christus sich selbs ewiglich vnder win vnnnd Brot  
müßte vffopferen. Wie aber Christus ein priester sye  
nach der ordnung Welchizedeck / darff nieman in ü=  
weren cösequenzen erlernen/ er findt es wol bim Pau  
lo zü den Hebreieren. Wirdt bald harnach Kommen  
da wir ein sum vffz der selben Epistel dise materi be=  
treffend/ von einet anzeygen wellend.

It söllend ouch zü mererem verstand von vns in  
gütem vffnehmen/das gheiner in der nacht jm ützid  
last zeigē/dz er dem gloube/so ers jm liecht nit findt.  
Ob einer etwas möschiner oder küpffriner pfennigen  
für guldin By der nacht wölte hingeben/nimt man es  
nit an/man finde den im liecht dz sy guldin sy gund. All  
so hat das gsatz ein schatten gehebt der dingen / die in  
Christo erfüllt sind. Hebr. 10. Was sy aber bedüt ha=  
bind/müß man allein im liecht/ das ist in Christo se=  
hen: findt man es jm liecht nit/so hat es nit dahyn ge=  
reycht da wir gemeint habed. Also: Der Kerin schläg  
hat Christu am crüz erhöcht/ bedütet: wär hat aber  
das ye gewüßt / ee Christus das selb anzeygte/ vnnnd  
mit der that erfüllete: Also wyßt Christus die Juden  
über die gschriff / vn zeygt inē an das sy kundschafft  
von jm darin finden werdind: sölicher meinung/ das  
wie er leere vnd würcke/ werdind sy bedütung dauon  
in der gschriff finden. So wirdt offembar/das die fi=  
guren so vil bewärend / so vil wir jm liecht/ das ist in  
Christo sehend wäsenlich verwürckt sin: Dann Chri=  
stus

in m. h. 11  
ant

stus ist das wäsenlich/ vnnnd yens sind allein schatten  
yin. Coloss. 2. Vnd so Christus ein ding nit verwür-  
cket hat/ so ist gewüßz das die bedütung dz nit bedüt  
hat das wir in dem schatten meinend bedüt sin. Wirt  
als mitt häller gschrift kund. Das Abrahams zwen  
sün/ Ismael vnd Isaac bedüt habind (Gala. 4.) Das  
alt vñ das nüw Testament/ hat nieman gewüßt bis  
das wir sehend Christum das alt Testament hynge-  
legt haben. Sefglychen das Jacob vßz Mesopota-  
mia zwey wyber/ Lyan vnnnd Rahel mitt vil künden  
vñ hab/ heym gebracht hat/ ist ein bedütung gewäsen  
des/ das Christus sin kilschen / das ist sin volck/ vßz  
den Juden/ die durch Lyan bedüt sind: vnd vßz den  
Heydē/ die durch Rahel bedüt sind/ zemen gebracht  
hat. Wār hat aber dz gewüßt/ bis dz wir am tag vñ  
licht sehend dz Christus beyde vöcker in einen schaff  
stal zemen gebracht hat? Jo. 10. Harwiderumb was  
im alten Testamēt ein dunckle oder schattechte form  
hat nach vnserem bedücken/ vñ aber in Christo ghein  
vßgetrucktes mit wort od that darumb erfundē wirt  
das mag im licht/ das ist im nüwen Testamēt nützd  
bewären. Als wenn einer welte reden es zimte nieman  
zum gebenedyeten brot des altars zegon / denn allein  
dem künig mitt sinem yind / darumb das David .i.  
Reg. im ein vnd zwentz gosten/ mitt sinen dieneren vō  
den fürgelegten heiligen broten geessen hat/ vnd aber  
das ander gemein volck nitt / so gilt sin red nüt: dann  
wir findend sölichs in Christo nitt vßgetruckt / sun-  
der das widerspyl / das Christus spricht: Trinckend  
daruon alle. Also hie in der geschicht Melchizedecks.  
Ob glych erlittenn möchte werdenn das Melchize-  
deck Abrahamen win vnnnd brot hette vßgeopferet/  
vnd das Abraham so vnbericht des opfrens gewesen

wär/das er im sölichß hette lassen antün/dennocht so  
möchte das bedüten im alten testamēt nimer erkent  
werden denn in dem liecht. Ja wenn Christus dz Sa  
crament des altars hette für ein opfer yngesetzt/den  
sehe man erst das Welchizedeks rat ein bedütnuß der  
tat Christi wär gewäsen: vnd wo das nit /so möchte  
man alle ceremonische werck des alten Testaments  
widrum ynführen. Es magß ouch dz wort Christi nit  
erlyden. Sa er spricht: Ich bin das liecht. Ist er das  
liecht/ so müs man die warheit allein in im ersehenn:  
vnd findt man in im/als im liecht ein ding nit vßge  
truckt/so mag mans yein der finsternuß nit finden/  
Denn sin liecht erlüchet die schatten des alten Testa  
mentes: aber die schattenn im alten Testament mö  
gend niuts in im bewären/das wir in im selbs nit er  
findend: oder aber dz liecht /Christus/näme clarheit  
von den schatten des alten Testaments. Ein kint li  
cher Byßpil. Sie Astrologi sagend oft seltsame ding  
künfftig. Wär ist aber so torecht/das/ nach dem er  
sicht nit geuolget sin jr vorsagē/er denocht stryde/ es  
sye ja geuolget/ denn der Astrologus habe es vor ge  
sagt. Also ob Welchizedeks rat glych ein opfer wære  
yin/mag es darumb gheinen weg bewären/das Sa  
crament des lychnams vnd blütes Christi ein opffer  
sye: den Christus truckt es weder mit wort noch wyß  
vß/ das es ein opfer/sunder das es ein spysß der glou  
bigen sye/dann er spricht nit: Opfrends/oder ich op  
fers/sunder spricht er: Essends.

Das ir aber hie überein vermeinend ein bedütung  
disß Sacraments beschehen sin/ der glychen ouch die  
mengerley künchenn im alten Testament disß Sacra  
ment bedüt haben/volgend ir selbs den alten lereren  
nit. Die durch dz vngeheblet brot nit opfren des ge  
benedyete

benedyeten brots im nüwen Testament verstand/ für  
der sy verstand die vnuermaßgetē menscheit vnser  
erlösers Jesu Christi/ das die rein von der ewig rey-  
nen magt Maria on allen menschlichen oder sündli-  
chen hebel geborn/ vnd er nach dero am crütz gestor-  
ben/ ei vnuermaßget opfer für vnser sünd sye. Ir sin-  
dend ouch by den altenn lereren allenthalt/ das alle  
opfer im alten Testament ein Bedüttnus gewesen sind  
des einigen opfers/ das Christus / sich selbs/ für vns  
geopfret hat.

## Die II. zügnus.

Sie andren zügnuß/ zühend jr lieben gelertē (dan  
wir yetz mit üch reded) vß dem prophetē Malachi. i.  
Da er also spricht:

Dwer eigen tollmetschung/ von  
wort zu wort.

Ich hab ghein willenn oder gefallen gegen üch/  
spricht der herr der heerzügen: vnd die gab oder das  
opfer wird ich nit nemen von üwren henden: den vß  
vfgäg biß zu nidergang der sonnē/ ist groß min namē  
by den Heyden: vnd an allen orten oder stetten wirt  
sacrificiert vñ geopfret minem namē ein rein opfer ic.

Hie sprechend jr für das erst/ das diß ort des pro-  
pheten von gheinen Christlichen lereren anderst ver-  
standen sye/ weder das der prophet habe vorgesagt/  
das es darzükommē werd/ das man Christum in al-  
ler welt vnder dem Sacrament des wíns vñ brotes  
werde vßopfren: vnd zeigend sölschs zum dritten mal  
an/ daß nie gheiner andrest verstanden hab: vnd zü-  
hend doch gheine harin/ der sölschs geschribē hab: den  
Augustinus/ den ir harin zühed/ ist hätt nit mit üch.

Doch lassend ir in vn Betrachtet stan / da jr sin meinig  
vest moechtind sehen. Als Augustinus. 18. De ciuitate Dei.  
cap. 35. dise wort des prophetē harin zücht / wil er er-  
fechten / das die opfer im alten Testament hinuallen  
müssind: denn es werde an allen orten sinem namenn  
ein rein opfer Christus vsgelopfret. Hie verstadt  
Augustinus Christum das selbig opffer sin / ist war:  
aber nit sölicher meinung / das er allenthalb wesentlich  
vsgelopfret werd: sunder dz er an einem ort / namlich  
zü Hierusalem / einist wesentlich vsgelopfret / an allen  
orten / das ist in der ganzen welt / fruchtbar vnd tür  
gnüg sye aller menschen sünd zü bezalenn. Denn er  
spricht also: Sy mögend nit löugnenn das opfer der  
Juden / zü denen geredt ist: Ich hab min willenn nit  
zü üch / vnd wird ouch von iuwren henden ghein gab  
nemmen / vsgelohrt haben. Was wartend sy nun vff  
einen andren Christum: so das / so vorgesagt ist / das  
sy lesend vnd sehend erfüllet sin / nit hat mögen erfül  
let werden / weder durch inn. (verstat hie Christum)  
Sise wort zeigend heiter an / das Augustinus vom  
dem opfer / das Christus am crütz geton hatt / redt /  
denn er spricht: Sy sehind es erfüllet sin. Nun ist dz  
opfer des altars / als ir reded / nit erfüllt noch volen-  
det: denn so es volendet wär / müßte man es nitt für  
vnd für vspopfen. Aber dis ist alles vnkrefftig: denn  
Augustinus redt hie vō dem einigen opfer / das Chri  
stus einist am crütz geton hab / das aber so tür vnnd  
wyträch / das es in allen endenn der welt fruchtbar  
sye. Vnd gedencet Augustinus an disem ort des Sa  
craments des altars nit mitt eim wort. Ser glychen  
redt er ouch / *Aduersus Iudeos cap. 9.* gedencet ouch dis  
Sacramentes nit mit einem wort / sunder des einig  
geopfreten Christi: der aber in die ewigkeit wär vnd  
Bezaler

Bezaler für vnser sünd ist/ als in den kurtzen worten  
da selbst gemerckt wirt/ da er spricht: Arons Prie-  
sterschafft ist yetz in gheimem Tempel nütz. Aber die  
prieesterschafft Christi wäret ewigklich im himmel:  
das ist/ das er vor gott in die ewigkeit für aller welt  
sünd bezalt. 1. Johan. 2. Hie süchend ir aber ein flucht  
vnnnd sprechend: Christus opfret sich selbs vff/ vnnnd  
der priester nitt: Es solle ouch gheim priester so ver-  
messen sin/ das er meine/ das er Christum vffopfre/  
sunder Christus opfre sich selbs. Sagend hie an/  
vß was grund der götlichen gschrift/ redend ir/ dz  
sich Christus selbs vopfre/ so der priester vopfret/  
oder/ wir wekkend der helgen gschrift schwygen. Sey-  
gend vns üwer eygnen leter darumb an/ oder üwere  
Bäpstliche recht: das mögend jr aber nitt. So se-  
hend yetz zü/ welcher söliches ye geredt hette/ was het-  
tind ir von jm gehalten: wofür hettind ir inn voge-  
ben: Augustinus redt hie nit: Er opffret allweg jm  
himmel ( wie es niits bewärte/ ob er glych söliches red-  
te: den es hatt nit grund in gottes wort) sunder Chri-  
stus priesterschafft wäret ewigklich im himmel: das ist  
das er einist getödt/ vnd einist vffgeopfret in die ewig-  
heit vor gott wäret vnser sünd zü bezalen: nit das er  
sich für vnd für vopfre/ das wider sin eigen wort ist  
vnd wider die offnen wort Pauli zü den Hebreiern.  
Sarumb vmschend üch wol mit dem wort: denn wo  
wir hie vnser gnädigen Herrē eren nit hettind wel-  
len vß schont/ vñ mit üch früntlich vñ brüdlich geredt  
habē/ so hettind üch vnser gelertē gröber angriffe ü-  
ber dz wort/ da ir sprechend: so der priester opfre/ so  
opfre er nit/ sund Christus opfre den sich selbs. Doch  
so wirt die valsch farw diser meinung eigenlich offen-  
bar/ so wir die gründ dises opfers/ dz Christus ist/ vß

der Epistel zum Hebreieren anzeigen werdend. Sa-  
gend auch an/warumb hand ir die erstlichen frag also  
gestelt / Ob vnser müter die heilig Kirch im Sacra-  
ment des altars durch ire diener die priester et w3 vf-  
opfre gott dem hymelische vatter/so die priester nach  
üwer leer nüts vopfrend? So kumend ir aber mitt  
einem Coñment oder fund/vñ sprechend: Christus op-  
feret sich selbs fürnemlich: Zum anderen mal opferet  
die gemein Kirch Christum ir houpt: Zum dritten op-  
ferend die priester als diener. wo wir hie üwer nit ver-  
schontind/wöltind wir gern fragen was der Sygrist  
tät. Das Gott erbarm das ir mit söliche fablen vñ-  
göd/one grund der gschrift/ouch one hilff üwer eignē  
Lereren in einer so ernstlichen sach. Jetz sprechend jr:  
Christus wirt von sinem priesterthumb vfgelopfret:  
vñ vñstand aber durch dz priesterthum die gesalbeten  
pfaffen. Bald stichend jr hiedannen/vnnd sprechend:  
Die kilch opfre/als die gestalt üwer frag inhalt. Vñ  
zum letzten endrinnend ir dahyn/da ir dem lyden vñ  
wort Christi die aller grösten schmach anthünd/ so jr  
sprechend: Christus opfret sich selbs/so oft er vō dem  
priester wirdt vfgelopfret. Senn sin lyden einist gelit-  
ten/vnd für vns vfgelopfret/ bezalt der ganzen welt  
sünd in die ewigkeit. Das beziigt sin eygen wort Jo-  
han. 12. So ich vō der erd erhöcht wird ( verstand hie  
erhöcht für an das crütz gehenckt werden. wie Joan.  
3.) so wird ich allemenschen zu mir ziehen. Sehend jr  
das er do für alle menschen bezalt hat/do er ans crütz  
erhöcht ward. Warumb stellend ir inn denn erst für  
vnnd für an zeopfren? Soch von dem wirdt me har  
nach kummen.

Jetz wellend wir widrumb an den weg/von dem  
wir abgangen sind. Ja jr habend zum dritten mal ge-  
redt

redt/ die wort Malachi habe ghein Christlicher lerer  
anderst verstanden/weder das sy vorgesagt habind/  
wie das Sacrament des lychnams vnd blütes Chri  
sti ein opfer werde sin/vnd zühend doch gheinē harin  
der kundtschafft darumb sag/den Augustinum/ der  
diß Sacrament mit einem wort/an den orten jr inn  
anzeigend/nit anrürt. Wir wellend aber üch noch me  
lerer anzeigen/ die es anderst verstond weder jr für  
gebend/ vnd sehend ir demnach vff üwer red/ wie jr  
by dero beston werdind. Tertullianus redt. *libro. 3. Ad  
uersus Marcionem* also von disen Worten: Ich wird ü wre  
opfer nit nemen: dan von vfgang der sunnen biß zu  
nidergäg ist min nam veret in den nationē der Hey  
den/vnd an allen orten wirt ein rein opfer minem na  
men vsgelopfret: das ist verkündung miner eren bry  
sen/lob vnd danck. Sehend jr hie/dz Tertullianus/  
den Propheten dahyn verstat/ das es darzu kōmen  
werde/ das man für die vhibische opfer/dero man im  
alten testament gepflegen hatt/ innerliche opfer des  
geistes gott werde vspoffren / gott in dem geyst vnd  
warheit anbätten / sinen namen brysen/loben vñ jm  
danck sagē: welchs opfer der helig Paulus Ro. 12. an  
zeigt. Aber spricht Tertullianus *libro. 4. cōtra Marcionem.*  
Vnd man opfret minem namē allenthalb ein opfer/  
vnd ein rein opfer: das ist/dz einualtig gebätt vß rei  
ner oder gerechtē conscienz. Hieronimus schrybt über  
dise wort des propheten also: Vnnd darumb geschicht  
die red des herren yetz eigentlich zu den priesteren der  
Juden/die blinds/lams/ vnd blöds bringend vßze  
opfren/da mit sy wüßind das den fleischlichen opfrē  
geistliche opfer nachkumen werdend: vnnd das man  
gheinen weg rinder vnd bofsblüt opfren wirt/ sund  
das angezündt gerouck: welchs da sind der Christ-

gläubigen gebätt/ wirt man vopfre: vñ das selb nit  
in ein einigen land der welt im Jüdischen land/ noch  
in der einigen Jüdische statt zu Hierusalem/ sunder  
allenthalb. Sise wort Hieronymi habed jr one zwy  
fel vor allen andren gelesen/ denn wir gheinen andren  
der alten habend/ der von einet über die propheten ge  
schribē hab: darumb ir üch mit gwalt habend müssen  
darā stossen/ vñ ob jr sy glych nit herrind gsücht. Vñ  
so eigentlich zeuermessen ist/ das ir dise wort Hierony  
mi gsehen habind/ wie hand jrs doch dözen gwagen/  
das ir in namen vnsers Gnā. H. sprachind/ es hetre  
ghein lerer die wort des prophetē nie anderst verstan  
den/ den das sy dahyn reychtind/ das Sacramēt des  
lychnams vnd blütes Christi ein opfer sye: vnd zü=  
hend aber nit einen harfür der alten/ der mit üch mit  
einem wort hällte. Vñ so ir treffenlich schmützend wie  
geleret die altē gegen den yetzigen sygind/ ouch das mā  
nit eins yeden kopff sölle volgen/ sunder dem uslegen  
der alten lereren: warumb verschwygend ir denn hie/  
da es gelten sol/ die wort Tertulliani vnd Hierony  
mi: da nitt zwen ander in den zungen vnder latini  
scher Kilschen geleter gewesen sind.

Vnd diß alles habend wir nitt harfürtragen/ das  
wir vermeinind die wort Malachi züuerston sin/ als  
sy joch die treffenlichen lerer zeuerston gebend: den die  
heytren wort des propheten mögend disen verstand  
nit erlyden: sunder das wir anzeygind das üwer vfle  
gen des propheten nit grecht/ vñ das selb eint weders  
vffz vnwüssenheyt od vff flyß die warheit zeuermāt  
len/ beschē sye. San ir sunst ouch wol wüßend/ das  
die lerer so vil gloubens by vns haben söllend/ so vil  
sy dem heiligen Gottes wort glychförmig redend. als  
üwere eygne recht *dis. 2. c. Ego solis.* anzeygend. **Sarum**  
müß

müß man allein das wort in dem wort erlernen. Dies  
diei eructat uerbum. Deshalb vff dem gespräch der sün di  
ser worten Malachi .i. recht vnd warlich ist harfür  
tragen. Das Gott durch den propheten die Jüdische  
paffen beschilt (so vil hiehar not ist) das sy dz bräst  
hafft blinds/laams/blöds opfretend/ welches ein jr  
discher fürst nit vō inen nāme. 2c. Vñ darūm so gefal  
lind sy im nit/vñ spricht:Wñ will od gefallen ist nit  
in üch/vñ wird vō üwer hand die gab nit nemen:dan  
min nam ist vnder den Heydē groß vō vffgang biß  
zū nidergang der Sōnen: vñ an allen orten wirt ein  
rein opfer minem namen vffgeopfert:dan min nam ist  
groß vnder den Heydē spricht der herr der heerzüge.  
Hie vstossend ir üch an dem wort (rein) dz den He  
breieren ist Tahorah, vnd heist suber/vnbesleckt/vnd  
ganghellig. Vñ so bald man mit üch vß Hebraischer  
sprach redt/so wellend ir die latinischen dolmetuschig  
haben. Wolan/so findend ir Exodi am. 25. Du wirst  
die Arck mit aller reinistem gold überziehen. Sehend  
ir hie dz rein an disem ort nit heyst one sünd/denn dz  
gold kan nit sündē:sunder heyst hie rein suber/vnuer  
mischet/vnbesleckt/luter: da ouch die Hebreier ha  
bend Tahor. Hierūm so redt Gott mā opfre im vnder  
den Heydē suber/gantz vnbesleckt opfer. Hie vletzt  
aber üch/ dz dem waaren gott vnd den Heydē geop  
fret wurde:ouch dz sin nam groß sye vnd den Heydē  
Wz kōnend aber wir für üwer verletzūgē Gott redt  
also/so mag er ouch nit liegen: darūm müßend ir üwe  
re vstentnus gott zū gefangē geben. Aber damit üch  
gnüg gschehe/so merckend das gott ouch durch andre  
propheten bezüget hat dz sin nam groß sye vnder den  
Heyden. Psal. 8. O Herre vnser Herr/wie ist din  
nam so wunderbar in dem gāzen vñkreiß der welt.

Vñ jm 47. O Gott din lob streckt sich in die ende der  
welt/nach dinem namen zc. Wir merckend ouch das  
ir nit vstond das der nam Gottes oft in der gschrifft  
genommen wirdt für die krafft/ gwalt / vñnd maie-  
stat. Als hie/vñnd Marc. 16. in minem namen/ das ist  
in miner krafft werdend sy die rüfel vstryben. Vñnd  
Act. 4. Es ist gheim nam vnder der Sonnen/in dem  
man sällig werden mög/weder jm namen Jesu. Hie  
heyst ouch nam krafft. Denn dise silben Je. sus. ma-  
chend nieman sällig / sunder die krafft Jesu des suns  
Gottes. Sas aber ouch die Heyde allenthalb Gott  
habind vffgeopfferet/ist synekdochitos geredt. Als wenn  
man spricht: Es ist yez alle welt rych. Vñnd ist aber  
der kleiner teyl rych. Also hat man ouch vor Christus  
zukunfft an vil orten dem waren Gott vffgeopfferet.  
Iosephus zeygt an das der groß Alexander/ ouch der  
groß Pompeius yeder zū siner zyt dem waaren Gott  
zeopfren/gen Hierusalem kommē sygind. Die Kün-  
gin vō Saba/ die kōmen ist zehōren die wyßheyt Sa-  
lomonis / hat ouch sinen Gott erkennen. 3. Reg. 10. Vñ  
das aller krefftigost ist/ so hat Melchizedeck me denn  
tusent jar vor disem propheten dem höchsten Gott  
vffgeopfferet / wie woler von dem stammē der Juden  
nit was: denn Judas was noch nit geboren. Es habend  
ouch die Chananeier vñ Samariten vil gemeinsame  
Gottes halb mit den Judē gehebt/ wie wol sy von den  
allweg verachtet wurdend. Es habēd ouch die Hey-  
dischen wysen erkenet das nun ein Gott sin müßt/ vñ  
ouch den vereeret. als in den Gschichten 17. stat. Vnd  
Origenes *contra Celsum* anzeygt. Vnd ob glych die Hey-  
den iren Abgötten vffgeopfret/ habēd sy doch die ding  
geopfret die gottes warē. als er spricht Psal. 88. Sie  
gwild der welderen sind alle min / vñ das vch in dem  
gebirg;

gebirg vnd die rinder. vnd wenn sy geopfret / habend  
sy das best genomen: als oft im Homero vnd andre  
gsehen wirt. Es ist ouch zeuernercken das die einual  
rigen der Heyden die götliche krafft geteylt habend /  
vnd nit können erkennen das alle krafft des höchstē  
gütes allein was: sunder habend die selben krafft ver  
meint viler sin / vñ demnach die götlichen krafft / wie  
wol abgöttisch / in vilen vereeret. Je doch so redt gott  
hie mit gegenwürtigen emsigen wortē / die sich me vff  
vergangenes zühend / wed vff künfrigs / müctar müg  
gisch. An allen orten ist minem namen angezündt vñ  
geopfret zc. Das aber sölichs die meinig Gottes sye /  
zeygend die wider geredten wort an / die harnach kum  
mend / dieir aber hand vßgelassen. Als er einist gespro  
chen hat min nam ist groß vnder den Heydē vō vß  
gang biß zū nidergang der Sonnen / vñnd demnach  
geredt: Vñ an allen orten wirt minem namē ein reyn  
(das ist) vnbesleckt offer vßgeopfret: hat die götli  
che wyßheyt wol gewüßt das sich dz Israelisch volck  
darab verwunderen ward / das ouch die Heyden jm  
opffretind. Vñnd darumb legt sy widerumb zū ein  
gewüssen knopff daruff / vñ spricht: Sann min nam  
ist groß vnder den Heyden. Sann sy sprach: Ir ver  
wunderend iuch das man mir ouch vnder den Heydē  
sölle vßopfren / das wund lassend sin / dann min nam  
das ist min gwalt / krafft / vnd höhe ist ouch groß / dz  
ist wol erkannt vnder den Heyden. Vñ wirt hie gar  
niets in künffrigem geredt. Sarzū wirt vil in der ge  
schrift *dwirtwög, id est potentialiter* geredt / als ouch dise  
red ein besunderer güte gestalt hat.

Das aber die leerer dise wort des prophetē gereit  
habend / vñnd die vordrigen wort (als Hieronimus  
anzeigt) vß die pßaffen des altē Testaments verstäde

bis vff die: Vñ vfgang bis zū nidergang zc. vnd dem  
nach die person/ vnd zyt ver wandlet one hilff der ge-  
schriff/ da für könnend wir nit/ noch so ertragend die  
wort des propheten sölichs nit. Sy habend geton als  
(mit erlobnus) auch ir geton habend. Sy hand dis  
wort: An allen orten wirt minem namē ein rein opfer  
vfgesopret ) fert in künfftigs. Es wirt minem namē  
ein rein opfer allenthalb vfgesopret werden/ dz doch  
die wort nit ertragend. Vñnd habend mit ein teil ge-  
reich vff Christum / der werde das rein opfer sin/ dz  
für alle stett / ort / vñnd wellt vfgesopret werde am  
krüz. Als Augustinus. Ser ander teil hatt vff die op-  
fer der conscienz gereicht: Es werde darzū kōmen dz  
man die vñbischen opfer vnderlassen/ vñnd opfer des  
inneren andächtigen menscheng/ gotz vorcht/ lob/ vnd  
danc/ vfgesopret werde: als Tertullianus vñ Hye-  
ronymus bedütend. Also kumend jr yetz zum letzten/  
vnd redend auch vß üwren köpfen: Es heisse Offeretur  
dz ist/ es wirt vfgesopret werdē: das ist/ als jr redē/  
das Sacrament des altars ist ein opfer. vnd thünd  
das on alle gschriff/ auch on allen bystand üwer vāt-  
ter. Vnd so man üch in üwre meinüg redt/ so wellend  
jr die/ so mit der gschriff könnend vñgan/ mit anrit-  
ten üwer worten verdacht machen/ sam sy jüdelind.  
Vnd heysend doch üwer eigne recht zū den Hebreie-  
ren zūflucht haben/ so verr etwas im alten testament  
vnheiter sye. Di. 9. c. ut ueterum. Vñ wie wol Augustinus  
vnd Tertullianus mit disem wort Malachi/ wid die  
Jude gestritten/ habēd sy es doch gantz vñ gar nit ei-  
genlich gebrecht/ vñ deshalb des weniger wid die Ju-  
den geschafft: die wol gesehē hand/ dz der gschriff an  
dem ort jr natürlicher sin genōmen ward. Vñ bedarff  
aber Gottes wort vnser ferwens nit: als auch üwre  
recht

recht heiter anzeigen Di. 9. c. Ad scripturas. Darum muß  
man die rechten waaffen in die hand nemen / weñ man  
mit den Jude kempfen wil / dero mā überflüssig hat:  
also das man inen nit muß fürhalte / dz sy vßschlahē  
vnd abwendē könnend. Als Gen. 3. Ser som wirt dir  
den kopff zerknisten. vnd: In dinem somen werdend  
alle gschlecht der erden gebenedyet. Gen. 22. vnd Jsa.  
53. Er ist vßgeopfert / darum dz er es gewellē hat. Vñ  
Hiere. 23. vnd 33. Ezech. 34. vñ 37. psal. 109. welche ort  
so heiter vff Christum reichend / das sy darwider nit  
könnend. Aber die ding so mit Christo in sinem lyden  
verhandlet / sind nienen clärer / den in den psalmē al-  
lenthalb / vñ in Jsaia vßgetruckt. Also das man dem  
götlichen wort gheinen andren hüt darff vffsetzen: sū  
der es blyben lassen sol by sinem rechten natürlichen  
sinn: vnd wār den ergryft / der hat den sinn des geistes  
ergriffen: dan dz götlich wort kumpt nit vō mensche  
har / sunder die so es geredt habend / sind von gott vn-  
derricht. darum niemē so glert noch helig ye ward / dz  
dem selbigen sölle gloubt werden / so verr er vßz seiner  
kunst vñd vernunfft redt: sunder so vil er das wort  
Gottes redt. Hierumb werdend wir vns an iwer  
vßlegen / das jr über des Propheten wort geton / nitt  
keren: dann jr den hällē sinn teylend / der doch nun  
vff ein meinung reicht. Vnd nach dem jr inn geteilt /  
habend jr den vätteren nitt geuolget: nit das vns die  
selbigen vil irrend / wo sy wider den natürlichen sinn  
des götliche geistes subtylich redend / sunder das iuch  
für iwer angesicht gelegt werd / das jr sehend / das jr  
selbs nit haltend / das ir allen menschen wellend züge-  
müret haben. So vil von den beden kundschafftē vß  
dem alten testament: darüber wir me / denn vns lieb  
sye / antwurt geben / zwungen worden sind.

Das ir demnach vom osterlamb harin zühend / dz  
selbig sye ouch vfgelopfret / vnd sye jährlich widernom  
men / das ist widergebraucht / kumpt alles da har / das  
ir die Epistel zü den Hebreieren mit flyß nit gelesen  
habed: sunst hettind jr eigenlich darin fundē / wie har  
nach kommen wirt / das die opfer im alten testament  
darumb jährlich widernomen sind / das sy so vnkräftig  
warend. darumb wirt aber Christus nit gewidret  
das er einist vfgelopfret in die ewigkeit starck vñ tür  
gnüg ist. Vñ darumb wär jnn wider meint vfgelopf  
ren / der glycht jñ ye den opfren im alten testament.  
vñnd schmächt jnn / das er jnn nitt anderst krefftig  
schetzt / denn so er jnn gewidret hab. als heyter har  
nach kummē wirt. Es billfft ouch nit / das jr aber ein  
geferwt wort harin sühend / sprechende: Wir opfrend  
jnn in *Mysterijs*, vnd zühend das wort Pauli. 1. Cor. 4.  
harin / da er spricht: Der mensch sol vns achtenn als  
Diener Christi / vnd vsteiler oder hushalter der heim  
lichkeiten gottes / da sprechend jr für vnd für: Wir op  
frend jnn in *Mysterijs*. Was ist in *Mysterijs*? Also vnder  
stond jr vns schlechten mit den wortē zebunden. Pau  
lus redt hie nit vō heimlichkeit der Sacramentē / sun  
der von der heimlichkeit des Euāgelij oder heils / das  
der menschlichen wyßheit verborren vñ vnuerstent  
lich ist: in dero bezügt er sich ei harfürtrager / hushal  
ter vnd vsteiler sin. Warum hand jr nit bas davor  
besehen. 1. Cor. 2. so hettend jr gschē wo für er diß wort  
*Mysteria* brucht? da er also sich selbs clar macht: Wir re  
dend die wyßheit Gottes in *Mysterio* (das ist die wyß  
heit / die zü siner zyt verborren gewesen / vnd zü siner  
zyt harfür getragen sol werdenn: das heist eigenlich  
*Mysterium*) die verborren gewesen ist ꝛc. Hie sehend jr  
das Paulus vnd andre dar zü verordnet / söllend die  
verborrenen

verborgnen wyßheit des Euangelij vnnnd göttlichen  
wortes vftün / das ist *Dispensatores mysteriorum dei* sin: wel-  
ches wort auch die alten lerer / in sunders Ambrosius  
vnd Athanasius / die von einet in die Epistlen Pau-  
ligeschriben habend / nit anderst denn wie wir anzey-  
gen verstand / vnd gedencend des opfrens in Mysterijs  
nit mit einem wort. Warumb legend ir die gschriffte  
nit vs nach dem verstand der vätteren / so jr doch dz  
wellend von allen menschen gehebt han?

Sarnach zühend jr die nūwē interpretation Act.  
13. an / die habe *sacrificantes*, das ist / opfrende / da Lucas  
also redt: In den kilchen zū Antiochia warend. 2c. do  
sy aber opfretend dem herren vnd fasteted. Hie spre-  
chend jr mit vil vñstenden: Sy habind nūz können  
opfren / weder das Sacrament des altars. Sarnüber  
müessend wir üch erfordrenn / das ir nach weltlichem  
rechten einem Burger richtind / wie dem andren. So  
habend jr im also geton: Wo jr gsehenn hand / etliche  
gründ vñ Hebraischer vnd Griechischer sprach har-  
für gezogen werden / hand jr geredt: Die alten Lerer  
sygind wol das gelet gewesen in den sprachen / dann  
die zū diser zyt damit vngangind / oder sölicher gly-  
chen. hierumb so blybind ir by irer interpretation / od  
döllmetzung. Also habed jr gericht. So ründ im ietz  
aber also / vnnnd sprechend die alt döllmetzung habe  
also: So sy aber dem herren dientend vnd fasteted. )  
oder aber jr werdend der vnbill billich gescholtē. Aber  
das alles hindan gesezt / ligt nüt an der nūwen döll-  
metzung. Wir wellend den Brunnē des Griechische  
wörtlis *λετρηγῶν* besche / so findēd wir bim Suida  
dz *λετρηγῶν* heisse ein offentlich ampt / od dienst: deshalb  
dise wort also möchtind vtrüschet werde: Als sy aber  
das ampt (das was predgen) des herren verwieltē.

h

Sarumb spricht der alt interpres: So sy aber dem  
herren dientend. Hesychius spricht wol *Litores, hieria*,  
das ist paffen. Er spricht aber darnach *λατουμεν, μοχ*  
*θειν, δουλευειν*, das ist *λατουμεν* heyst ubelzyt haben/od  
dienen. Deshalb dis ort wol hett also moge vtruscht  
werden: So sy aber mit vil arbeyt dem herren dien-  
tend. Darum der alt dollmetsch aber nit vnrecht hat  
gesproche *ministrantibus*, *Ετυμολογικόν* hat also *λατουμεν* το  
*υπερατιν*, das ist *λατουμεν* heyst dienen: deshalb aber d  
alt dollmetsch recht geredt hat: So sy dientend/ *mini*  
*strantibus* &c. dann wir findend des gheinen gstand in al-  
lem nuwe Testament / dz dis Sacrament ienen fur  
ein opfer genennet werd. Ir findend ouch dis wort  
*λατουμεν* eben in der selbe nuwen interpretatio nit fur  
ein opfer gedolmetschet. 2. Corin. 9. Hebreo. 1. vnd im  
alten oft. Josue. 1. 2c. Das ir aber hie von *lito* als ein  
Griechischen wort redend/ stat uch glych an/ als do ir  
vo dem Hebraische *Coniunctiuo* reded/ glych als ob sy de  
zo vil habind. Sie recht natuerlich meinung dis ortes  
ist/ das do die gezelte menner ernstlich ir ampt zudie-  
netend mitt abbruch vnd zimliche 2c. gar das nutz an  
das die Messz ein opfer sye.

**E**tz volgt der vgriff der epistel zu den He-  
breierē/ so vil dise materi antrifft: darin mā  
eigenlich ersehē mag was doch die krafft des  
lydens Christi sye: vnd demnach ermessen dz  
es ein spott vnd schmach Christi ist/ so man in wy-  
ter zeopfren vnderstat.

Paulus wil in diser Epistel den Juden Christum  
zeerkennen geben das er der einig heyland sye/ darum  
sy sich mit vnglauben nit sollend in vngnad Gottes  
werffen/ den Gott habe sinen sun darum lassen mesch  
werden

werden / das er vnser präsident erkante: vnd so er die  
straffen der sünden an jm selbs vñ vnser willē getra-  
gen habe / sye er one z wifel d̄ einig priester der für der  
welt sünde gnüg tüege vnd bezale. Vñ Bewärt zum  
ersten das er der sun Gottes sye: darnach / das er ein  
ewiger priester sye / alles vßz dem wort Gottes. Vñ  
hebt die bewärnus im .5. Capit. an: in welchem er zū  
ersten ein glychnus nimpt von dem obresten priester  
des alten Testaments: vnd zeigt demnach an worin  
jm Christus glych sye / vnd worin vnglych.

Das erst ist das er spricht: Ein yeder obrester prie-  
ster der vßz den menschen angenomen wirt / der wirt  
für die menschen gesetzt in den dingen die sy gegen gott  
antreffend. Also sye auch Christus ein obrester prie-  
ster: den er stande für vnser sünd z bezalen. cap. 7. Sa  
er also spricht: Sannē hat er auch in die ewigheyt heil  
machē mag die so durch jnn zū Gott gond. Er ist all-  
weg läbend das er für sy stand oder fürmünde.

Sū andren so werde ein obrester priester vßerliest  
vnder den menschen. Also sye der ewig priester Chri-  
stus von dem himelischen vatter vßerwelt / do er ge-  
sprochen hat: Du bist min sun / ich hab dich hütt ge-  
born. Psal. 2. vnd. 109. Psal.

Zum III. so werde der obrest priester des altē Testa-  
ments vß dem gschlecht Levi vnd nach der ordnung  
Aarons erwelt. Aber Christus sye vßz ein andren ge-  
schlecht / welches das priesteramt nüt angieng: nam-  
lich vßz dem gschlecht Juda. Saran erschē wurde dz  
sydmal das priesterthüm verwädlet wurde / dz auch  
das Testament vnd gsagt verwandelt wurde: denn  
das volck nam verstand des gsagtes vßz dem mund  
des priesters. Also redt er dauon im VII. Cap. Sar-  
zū so sye Christus nitt ein priester nach der ordnung

24  
Arons /sunder nach der ordnüg Melchizedecks /wie  
Durch den propheten vor im 109. Psalmen gesezt ist:  
Der herr hat geschworn / vnd das wirt inn nit gerü-  
wen: du bist ein priester in die ewigheyt nach der ord-  
nüg Melchizedecks. Welcher Melchizedeck lāg vor  
gewāsen ist ee Leui geboren ward. Wie aber Christus  
Melchizedeck nachschlahe /zeygt er im 7. cap. an. In  
ersten so heysse er Melchizedeck / das ist ein künig der  
gerechtigheyt: demnach so sye er ein Melch / das ist  
Künig zu Salem / das ist ein künig des frydens. Also  
so sye auch Christus der künig der gerechtigkeit: dan  
er ist die gerechtigkeit / vnd ist vnser gerechtigkeit  
1. Cor. 1. Er sye auch ein künig des frydens / den er hat  
zwiſchend Gott vñ vns gefrydet mit sinem eygnen  
blüt vnd tod. Col. 1. Das aber ir gelerten haryn werf-  
fend Melchizedeck habe win vnd brot Abrahamen  
vffgeopferet / darumb müsse auch Christus win vnd  
brot vffopfern / ist vor gnüg verantwurt. Sz ir aber  
demnach sprechend: Sunst läsend wir nit das Mel-  
chizedeck inzd vffgeopferet hab) ist kindisch: den Mo-  
ses hat hie gnüg gehebt / dz er anzeigt dz er ei priester  
des höchsten Gottes war: daruß denach wol vmerckt  
ward / das er die hostien / die andre Heyden iren Ab-  
götten vffopferend / dem höchsten Gott vffopferet: den  
Melchizedeck was ein priester des obresten Gottes ee  
vñ er Abrahamen win vnd brot schenckt. Sarum so  
ir sprechend: Melchizedeck ist ein priester des obresten  
Gottes vin. so sprechend wir: Das ist auch Christus.  
Melchizedeck hat etwas vffgeopferet. Das hat auch  
Christus sich selbs vffgeopferet. Sarnach ist Melchi-  
zedeks gschlecht nit erkant gewesen / auch sin tod ver-  
borzen. Also ist auch Christus götliche geburt nit zu-  
ermessen. Isa. 53. vnd die menschlich uber alle krafft  
der natur

der natur/vñ über allen vñ stand der mēschen. Daruñ  
nun die ewig priesterschaft Christi ermessen wirdt/  
ouch das die priesterschaft nach der ordnung Aarons  
abgethon werde/ so Gott die ewigheyt der priester-  
schaft Christi nach der ordnung Melchizedecks ge-  
schworen hab/vnd nit nach der ordnung Aarons.

Zum vierdē/ zeygt er an das der priester des alten  
Testaments darumb vñ den menschen vñ verläßen  
werde/ das er möge mitlyden tragē mit den irrenden  
vñ vnwüßendē/ deshalb er ouch mit blödigheit vñ-  
geben sye. ca. 5. Also habe ouch Christus vnser blödig  
heyt an sich genömen/ damit er vns verglycht wurde  
vnd in allem trübsal angefochten/ das er mitlyde mit  
vns trüge/vñ ein getrüwer obresten priester für vns  
die sünd bezalte. im. 2. vnd. 4. cap.

Zum fünften. Der andren/ dz ist der obresten pfaf-  
fen des alten testamentes/ sy sind vil gemacht/ dar-  
umb das sy tods halb nit harren möchtend/ dass nū  
einer bliben wär. Aber Christus/ daruñ das er ewig-  
klich wäret/ ist ouch sin priesterschaft ewig. ca. 7. Se-  
hend jr wie es vmb Christus priesterthum stat/ das  
ghein anders opfreds priesterthum ist/ den Christus  
selbs. Von der lerenden priesterschaft habē wir kein  
zwyfel/ denn Christus hat die selben selbs verordnet  
vñ yngesetzt: aber ghein opfrender priester mag nū  
mer me sin. Den die priesterschaft Christi ist damit  
vnder scheyden/ zwüschen der priesterschaft des al-  
ten testamentes/ das yene für vñnd für vmb des ab-  
gangs willen widersetzt müstend werden. Aber Chri-  
stus der allweg blybt/ den er ist ein ewiger gott/ mag  
ersetzen nit erlyden/ denn er nit abgenglich ist: daruñ  
zū schmach Christi reicht/ wo man opfrende priester  
hat/ die sich an statt Christi opfren vermessen. Ist

Denn Christus gestorben das man inn ersetzen müßer  
oder wohatt er die opfrende priester schaffte yngsetzt  
also erfindt sich das die opfrenden priester Christum  
weder als ein ewigen priester kennend/ noch als ein ewig  
opfer.

Zum sechsten/so sygind die obrestē pfaffen (durch  
den obresten sol man die gantzē pfaffheit des alten te-  
stamentes verstō/ den von dem obresten kamend die  
andren alt: vnd was dem obresten abggeschlagen wirt/  
das ist noch vil ee dem vndren abggeschlagē: den Pau-  
lus nennet oft in diser Epistel on vndercheid <sup>ἱερεῖς</sup>  
vnd <sup>ἀρχιερεῖς</sup>) Ja die pfaffen des alten testamentes sy  
gind alle sūnder gewesen/ deshalb sy zum erstenn für  
sich selbs hand müssen opfren/ vnnnd darnach erst für  
das volck. im 5. vnnnd. 7. cap. Aber Christus hatt ghein  
masen der sūnd an jm̄ gehebt/ darūm er für sich selbs  
kein opfer hat müssen tūn/ sūnder alles so er geopfret  
hat ist allein vnser. 7. capi. Sarius nun clarlich volgt  
das wir gheinen andren opferpriester mögend habē/  
den der one sūnd ist/ der ist aber d̄ einig Christus. Vñ  
welche die sūntlichen opferpfaffen setzend die jüdeled  
vnd fūierend das Alaronisch priestertūm wider harin  
welchs one schmach Christi nit sin mag.

Zum sybenden/ die pfaffheit des alten testamentes  
ist täglich in den gemeinen vordren tempel ggangen/  
vnd da selbst vfgelopfret. Aber in dz inner heligost ort  
ist ghein andrer/ denn der obrest/ hinyn ggangen: vñ  
das im jarnū einist/ vñ gar nit one blūt. Welches be-  
düt hat dz der einig Christus mit sinē eignē blūt vns  
in dem aller heligosten ort/ das ist in dem himel mit si-  
nem vatter versūnet hat: dann wie nieman zū dem  
vatter kōmen mag/ denn der sun der allweg by im̄ ist  
(vnnnd die durch jñ hinyn gond) Jo. 3. also mag ouch  
nieman

nieman ein opferpriester sin für vnser sünd / denn der  
einig sun gottes. Vnnd das lert Paulus mit grossem  
ernst vnd hohen sinnen im .9. capitel.

Vß denen ortē diser epistel erlernet man heiter wie  
alle opfrende pfaffheit vñ ir prästhaßrige willē hat  
müssen tod vñ ab sin / do der ewigwāred priester Chri-  
stus kōmen ist. Auch dz ghein opferpriester nimer me  
sin mag / den der einist opfrende vnnd geopfret Chri-  
stus. Vñ also habend wir den ewigen priester / in dem  
it gelerten mit vns einhällig sind mit Worten / Beken-  
nende das er ein ewiger priester sye: wie wol ir mit der  
tat ein anders beschirmend vnd bruchend. Vnd ist di-  
ser obrester priester nit in ein zyrtlichen zergenglichen  
tempel ein priester: sunder an der grechten des himeli-  
schen Allmechtigē vatters / dann er gewalt hat über  
alle gschöpfren. Hebr. 8. Des opfers halb wellēd wir  
yetz ouch sehen.

### Vom Opfer

Zum erste ist das sūrnemst ampt des priesters das  
er opfre ( dann wir hie allein von der alten opfrenden  
pfaffheit redē / die aber alle in Christo vsg hört hat )  
Darum ist ouch not das Christus vopfre. Hebr. 8.  
also opfret Christus sich selbs / vnnd wie er ein ewiger  
priester / vnabgenglich / vnersetzt ist / also ist ouch sin  
opfer vnabgenglich vñ vnersetzt / also das man es nit  
widren oder ernüwren muß: den das nūw testament  
dz in dem opfer sines lydes stat / ist ewig: dan es nim-  
mer me mag abgethon werden wie das alt / das schon  
hingenomen ist. Hebr. 8. Hiere. 31. Darumb muß ouch  
das opfer ewig sin.

Zum andre. Die sünd wirt nit verzigē on blütuer-  
giessen. Heb. 9. Nun werdend aber vns täglich vnser

sünd verzigten durch das blüt (das ist opfer) Christi.  
1. Jo. 1. vnd. 2. vnd Hebr. 10. Vñ wirt aber sin blüt nit  
täglich vergossen: so volgt das sin blüt einist vergos-  
sen/in die ewigheit aller welt sünd bezalt. Es volgt  
ouch/das es nit gewidret werden mag/ oder aber das  
testament wäre nit ewig/das er einist mit sinem blüt  
vfericht hat. Hebr. 9. Christus ist einist mit sin eig-  
nen blüt in das Allerheligost yngangen/vnnd hat da  
ewige erlösung/ oder bezalung erobret. Behaltēd vns  
hie die zwey wort/ Einist/vñ/ ewige erlösung/ so wer-  
dend jr denn üwer in *Mysterijs* opfren/dahin den lassen.

*Cy*  
Zum dritten: Ist clar das wo man in der gschrifft  
von dem opfren Christi redt/dz man da nütid über-  
al verstat/weder sin sterben. Vnd harwidrumb: Wo  
man von sinem blüt uergiessen/ sterben/vnnd lyden/  
redt/verstat man allweg/das er damit für vns vfer-  
geopfret ist/vnd für vnser sünd bezalt hat. Hie am  
9. capit. spricht Paulus also: Christus ist selbs in den  
hymel hinyn gangen/das er da erschine dē angfsicht  
gottes für vns: vnd nit das er sich selbs offt opfre zc.  
oder aber er hette von anhab der welt offt müssen ly-  
den. Nun aber ist er in der letzten zyt einist erschinenn  
die sünd durch sin opfer abzustellen. Zum ersten hö-  
rend jr hie/dz Christus vor dem angfsicht gottes für  
vns erschynt/nit sich selbs da täglich opfret/als jr on-  
grund redend: sunder ist er einist gestorben für vns/  
ein so tür pfand für vnser sünd/dz gott vñ sinet wil-  
lenn vns ewiglich vnser sünd vergibt/also erschynt  
er für vnns. Zum andren/hörend jr hält das er  
spricht: Nit das er sich selbs offt opfre: so volgt dz ü-  
wer in *Mysterijs* von sich selbs erdichret ist. Zum drit-  
ten/sehend jr das Christum vfergeopfret werden/nüt  
anderst ist/weder Christum sterbē/so er spricht: Oder  
aber

aber er hetre oft müssen sterbē: so volgt das Christus  
nitt mag vffgeopfret werden / denn wo er stirbt: nun  
stirbt er nū einist (Rom 6.) so ist er ouch nun einist vff-  
geopfret. Zum III. sehend jr das wie er in dem letstē  
zyt / das ist in nūwen testament / oder in der letstenn  
welt nun einist kōmen ist / also hat er in der selben eini-  
gen fart die sünd abgestellt. 1. Petri. 2. stat also: Chri-  
stus ist für vns gestorben. Ist er nun für vns gestorbē/  
vnd ist für vns vffgeopfret / vnd hat mit sinem opfer  
die sünd abgestellt / vnd hat sy mit sinem sterben abge-  
stelt / so muß sterben vnd opfren ein ding sin. Also er-  
lernend wo Christus stirbt das er da vffgeopfret wirt  
sunst niemen. Ro. 6. Christus / der vfferstanden ist von  
den todte / stirbt fürer nit / der tod beherschet in fürer  
nit: dann das er vmb der sünden willen gestorben ist /  
das ist einist bschēhen. Hie sehend jr das er einist von  
der sünd wegen gestorben / jro ir krafft genommen hat.  
Warumb wellend jr denn inn fürer machen sterben /  
so er nit geopfret wirt denn wo er stirbt.

Zum fierden sind die opfer des alten Testamentes  
darumb widergenōmen / das es vnmöglich was / das  
die conscienz durch sy gereiniget vnd rüwig wurde.  
Hebre. 10. So aber Christus für vns gestorbē / vnser  
conscienczen rein / vñ des ewigen heils gewüßz macht.  
als er spricht Joan. 6. Welcher zū mir kumpt (das ist  
welcher mich ergryfft zū sinem heyland) den wirt nitt  
hungeren: vnd welcher in mich vertruwt / den wirdt  
in die ewigheyt nit dürste.) so volgt das er nit me den  
einist sol oder mag vffgeopferet werdenn: oder aber er  
wurde den prästhaftten hostien verglychet / die man  
im alten Testament widren muß.

Zum fünfften / so kumpt die türe des einist erlitnē  
todes Christi dahar / dz der priester Christus ein ewi-

ger vnabgenger priester ist: dann er ist der ewig Gott  
mit dem vatter vñ heiligen geyst. Vñ dem gnüg vor  
geseyt ist in seiner priesterschafft. Sarnach ouch daß  
das opfer eben der selb ewig Gottes/ vnd Marie der  
ewigen jungfrouwē sun ist. Sonun der für vns geop  
feret/ der ewig gott ist/ so ist ouch die krafft seines opfers  
ewig. Senn glych durch den alle menschen geschaffen  
sind/ durch den selbē sind wir ouch alle widerüb zu kē  
dren gottes gemacht. Sz bedüt Paulus Hebr. 9. So  
das blüt der stieren vñ böcken / vñ die äschen der kü  
angesprengt/ die vermaßgetē sübret/ oder heiliget zu  
reinigüg des fleischs/ wie vil me wirt dz blüt Christi  
der sich selbs vnbeslecktē durch den ewigē geyst/ gott  
vsgewopferet hat/ vnserē gewüßne reinigē vñ den tod  
ten wercken. 22. Der ewig geist von de hie stat ist kein  
ander/ den er selbs/ der ewig gott/ durch den ist Chri  
stus/ das ist durch sich selbs/ vsgewopferet/ so ist ouch dz  
opfer ewig wärend. Senn er hat/ als am. v. ca. stat mit  
einem opfer die frommen gläubigen in die ewigheit vñ  
gemacht vnnd geuolkommet/ als glych dar vor stat:  
Wir sind in sinem willē geheliget durch dz opfer des  
lychnams Christi der einist vsgewopferet ist. Duch stat  
im. 7. ca. also: Vns ghört ein sölicher obresten priester  
der helig one alles übel vnuermaßget/ vñ vñ den sün  
deren abgescheiden w3 vnd höher dan die himel. Ser  
nit täglich müßte/ wie die obresten priester zum erstē  
für sine sünd/ vñ demnach für des volckes/ opfer vñ  
opfern/ den er hatt dz einist geton/ sich selbs vsgewop  
feret. Schēd ir liebē glertē/ w3 wellēd jr hällers hörē:

### Summa.

Das nūw testamēt dz ewig ist/ müß mit dem ewi  
gen blüt Christi gemacht vnd vsgewopferet werden.

Das

S; blüt Christi nimpt vnser sünd hin : dan die sünd. I  
wirdt nit on blüt hyngenommen.

Nun wirt das blüt Christi nitt me denn einist vfgē- II  
opferet: denn es ist ein ewig blüt.

So volgt das/ das einist vfgēopferet blüt Christi in III  
die ewigheyt wāret vnser sünd zebezalen.

Zum Andren.

Christus wirdt allein vfgēopfret da er stirbt/ lydet/ I  
sin blüt vergüßt. ist alles eins.

Christus mag nūmen sterbē/lyden/ sin blüt vgiessen. II

So volgt das Christus nūmer me mag vfgēopferet III  
werdenn/ sunder er wāret einist vfgēopferet in die  
ewigheyt aller menschen sünd zūbezalen. Ist alles  
vormals rycklich bewāret.

Sif sind die grūnd des lydens vñ opfers Christi/ die  
Paulus in diser Epistel vfgestryckē hat. Da aber jr  
alles das vff die opfrenden pfaßheit des alten testa-  
mentes geredt wirt/ vff die yetzigen irrigen pfaßheit  
ziehend: vñnd da jr so starck sehend zum fierden mal  
stōn das Christus nun einist vfgēopferet sye/ vñd nit  
me denn einist hab mögen vfgēopfret werden/ da er-  
dēckend ir andre wort vñ meinūgen/ sprechēde: Wir  
opfrend inn *in mysterijs*. Wohand ir des grund im gōt-  
lichen wort: So vallend ir den an iwer Kilchen: Ja  
die selbig halte es also. Vñ merckend für vñd für nit  
das die Kilch/ das ist volck/ Gottes ist/ die dem gōtz-  
wort loßet: vñ nit die ein wort vñ ir selbs machet/ vñ  
demnach das selb für gottes wort verkoufft. Den dz  
Gōtzwort macht die Kilchen/ vñd die Kilch mag nit  
das Gōtzwort machen. Duch sprechend ir einist/ die  
Kilch opferet: andrest/ der priester opfret: vñd zum  
letsten vallend ir dahyn / das Christus sich selbs vñ-  
opfere. So müeste er vil vñmüß haben / so er sich

alle mal im himel vspofrete / wenn er hie von den prie-  
sterenn / als sy vermeinend / geopfret wurd / ioch nach  
iwwren Worten in *Mysterijs*. Vnd tünd solchs one grüd  
des götlichen Wortes / ouch one grund iwwerer lereren.

Sas ir demnach für den letzten puncten die lee-  
rer haryn ziehend / die es für ein opfer gehebt habind /  
ist zum ersten nit vnser meinung iuzid von dero we-  
gen zeant wurten / als ob sy et was da geltind / da sy  
wider das hält wort Gottes sind ( als ouch iwwere  
Recht anzeygend ) sunder das anzezeygen / das etlich  
vnd inen diß Sacramēt ein opfer nennend / glych wie  
wir nach hüttytag den tag der vrfstende vnd vffart  
vnd andre nennend : nit das Christus me vfferstande  
vnd vffare. Das wirt oft in Augustino erfunden. Se  
nach wellend wir ick ouch anzeigen das ir etlichen zü  
geschriben hand / das sich mit einem wort nit erfindt.

Vö Dionysio wüßed ir wol ob er der sye / den Pau-  
lus zü Athen hat zum glauben kert / vffz den annota-  
tionen Erasmi. Aber one den so lesend den Suidam  
in Dionysio vnd Hieronymum *de Viris illustribus* so wer-  
dend jr in erkantnuß des Syonysij yngesürt. Von  
Hyreneo sagend jr / aber ir zühend sine wort nit har-  
für. Tertulliano tünd jr gwalt in allen dry bücheren.  
*De corona militis* ( warüb hand jr in disem büch nit besehe  
was er von den gözenn / oder bilden haltet : do ir doch  
die leter habend harin zogen ) *De uelands uirginibus*, *Ad uxo-  
rem libro. 2.* Den als wenig als der tag die nacht ist / nen-  
net er diß Sacramēt yenen ein opfer. Wie habed jr  
dan solchs ye gdóren fürgeben in namen eins herrenn  
Bischoffs zü Costentz? Lesend aber Augustinum in  
der vorred des .3. Psal. in .26. *Tractatu in Ioannem vñ darnaß*  
48. vnd Tertullianū *Aduersus Marcionem libro. 1.* Origenem in  
*Mattheum homel. 36.* Chrysostomum *Homel. 17. ad Hebr.* so werdē jr  
erlernen

erlernen was verstande sy von diesem Sacrament habend / vngeacht was sy an andren orten schrybind.

Bsehend ouch / wie wol ir daruf gsehē habind / in dz Bapst Gelasio sprechende: Sifer Bapst hatt den Canonē in ein ordnung gsetzt die wir noch bruchend: so doch Gregorius nach im gewesen / dz Dies nostros gemacht / vñ dz Pater noster an dz ort / da es ietz gebrucht wirt / geordnet. Vnd Gregorius secundus, *Intra quorum nos consortium.* Vnd Sergius das Agnus dei hinzū geton habend: joch nach iwer schryberen anzeigen.

Die letstē vndersted die ir aber tünd mit den wortē Christi / dz er vheissen hat by vns ze blyben bis zu end der welt 2c. vñ denach darus stryted. Hette man getretet / so ist nit zegloubē dz gott solche frung so lāg geduldet hetre / sind vor langest verantwurt. Dann Christus hat sin Kilchē nie vlassen: er hat ouch die jrung in sin Kilchē nie lassen kumen. Welchs ist aber sin Kilchē: Die sin wort hört. Die selbig hat diß Sacrament nie für kein opfer gehebt / als jr eigentlich in den vorzeigte lerere findē werdē / vnd in der gānzē gemein des Christlichē volcks / dz sich nie darfür gehebt hat so es diß Sacramēt brucht / dz es üzid vopfre: die also vß wundbarlichem vrtail gottes vhit sind / dz sy hierin keinen nutz oð wücher gsücht / als aber die geistlichen geton habēd: darüb / als zu besorgē / zu ein opfer gemacht das es inē vñ lon verdingt wurde ze opfren. Vñ tünd vns schlechtere Leyen nit me denn so vil ze gutem / das jr vns anzeigind / ob doch Christus diß Sacramēt zwüred habe yngesetzt / einest den Leyen vñ andrest den pfaffe: so ouch aber das nit möglich ist / warum bruchend irs dann andrest den Christus hat yngesetzt: Also sind one zwysel vñ sorg / Christus verlast sin volck / sin Kilchē / sine schaff nit / wirt sy ewiglich wysen / fürbringē vnd syghafft mache. Vnd ob

K

glych aller gwalt der hellen wider sy stan wirdt. Sas  
zeygt er zū vnseren zytē wol an / Da er sin wort so clar  
vnd vnüberwintlich offenbart.

Der Hebraische leer halb ist by vns niemā der vō  
den judē lerne: doch ist ouch wolzewüssen / dz ū wre eig-  
ne recht zū gebend dz man vñ der zwyspaltē willē / so  
sich im altē testamēt begābind / den Hebraischen zū-  
louffen sol / wie vor anzeigen ist. Sz hatt ouch der helig  
Hieronymus geton / selbs vō den Juden gelernet vñ  
ander mer: nit dz die vnseren ūzid vō jñē erlernind /  
dan by vns in keiner nāhe gheine Juden sind die ūzid  
fürnems vermögind in Hebraischer sprach.

Der lererē halb / die die kätzer überwüde hand / sind  
ir angsthaft / dz wo man denē in disem stuck das die  
Messz ein opfer sye / nit gloube / so werde dz ouch Bre-  
chen dz sy wider die kätzer erobret hand. .zē. Sind one  
sorg. Alle kätzer die ie überwüde sind mit dē gotz wort  
überwundē / nit mit den Worten der mēschen wie glere  
sy joch gewesen sygind. Vñ habed sy die kätzer mit dē  
gotz wort nit überwüden / so ist ir syg vālsch: den gott  
ist der vns allenthalb syghafft macht inn Christo. 2.  
Cor. 2. Nū habend wir dz gotz wort allweg / so mögē  
wir ouch das selb allweg bruchen / vñnd mit jm alle  
Gozsyend bestryten / nit mit menschen leer.

### Beschlussz.

Sennach / Hochwirdiger gnädiger herr / wellend  
wir V. G. vnser gloubēs rechnüg gern vñ gütwilli-  
klich geben. Sas wir dz götlich wort über alle wort  
haltend / den das selb allein helig / styff / ewig / on alles  
vālen ist. Sarus nun volget dz alle die / so aller vnbe-  
trogēlichēst farē wellend / dem allein anhangē söllēd  
so mögēd sy nit versürt werdē. wir sind ouch gwüß /  
Das

Das der verstand des götliche willens vñ wortet nit  
vom menschen kumpt/sunder von dem götliche geist  
har/dan dz götlich wort nit vom mēschē hargebracht  
ist/sunder von gott:in des gwalt man alle vñ stentnuß  
ergeben/vnnd gefangen legen muß/vnd in rechtem  
warem glauben in jñ vertruwen. Den als der prophet  
spricht: Ir werded nit verston ir gloubind den. So ist  
offenbar/das der verstand des götlichen wortet nit  
von wyßheit der menschlichen vernunft kumt: wirt  
ouch von den wysen diser welt nit ergründt als vnser  
lieber herr Jesus Christus selber geredt hat: darumb  
wir aller lereren wort dem götliche wort vnderwerf-  
fend/vñ dz götlich wort nit vß vnserē köpfen ermes-  
fend/sunder des verstand vß im selbs erlernend/mit  
gläubigen forcht samen hertzen. Sen gott redt selbs:  
Alles das jr bittende begeren werdend/so vtruwēd/  
so werdend jrs empfahen. Vñ Jacob heist vns in v-  
truwē one zwysel bitten. Vff das bittend wir in allen  
predigen gemeinlich miteinander/das gott sin helig  
ewig wort vns armen mēschē offnen/vnd die irren-  
den widrum an den rechten weg wysen welle. Aber biß  
har hatt vns nieman sölicher gestalt vnderricht/das  
wir nit eigentlich sehind im götlichen wort vil einen  
höheren heligeren sinn erschinnen/denn alle mēsch-  
liche wyßheit fürgebe/die sye wie klüg sy welle. Der  
vnzichtbar gott wil nit verbildet sin/die menschliche  
wyßheit beredt sich selbs/sy nemme andacht von ey-  
ner sichtbarenn bildnuß/so doch Götlich erkantnuß  
vnd liebe allein von Gott kumpt: vnnd die höchsten  
fründ Gottes nit ab gemälden oder bilden/sunder ab  
dem wort glert vnd bericht worden sind: nit ab dem  
wort/das in den oren ertönet/sunder ab dem das in  
dem hertzen sich kundbar macht: vnd es besitz/dz all  
weg nach ist im hertzen vnnd mund/als gott spricht.

Sarum muß alle menschē vernüfft hie abston vñ wy  
chen/dañ gott wil vnnerbildet sin/vñ vns die gözen  
nit gestarten/dañ sy ein weg sind vō gott an die crea-  
tur ze führen:das ist clar vnd richtig/gott geb was der  
mensch sag. Also ouch vō dem Sacrament oder testa-  
ment des lydes Christi. Dz hat Gott nit für ein opfer  
ynge setzt/ deñ er ist erst do geopfret do er starb: vñ ist  
aber diß Sacramēt am nachtmal vor sinē tod vofge-  
setzt: sund für ein ewig testamēt/dz alle/die gloubtid  
dz Christus Jesus für sy den tod am crütz erlittē her-  
te/sich vñ einand für brüd hieleind/ vñ für ein lychnam  
Christi/des houpt er selbs ist: vñ zū erkantnuß  
sölcher einigkeit sich ouch mit ein Sacramēt/Testa-  
ment/od sichrung miteinandre vñ bartind. also hat  
diß testamēt der heilig Paulus vñ standē. i. Cor. 10. Ist  
dz tranck der benedyung/dz wir benedyed/nit die ge-  
meinsame des blütes Christi: dñ das brot dz wir bre-  
chen nit die gemeinsame des lychnas Christi: dann  
wir die menge sind ein brot / ein lychnā/dañ wir mit-  
teilend all vō einē brot. In welchen wortē er sagen wil  
dz alle so sich mit dē blüt Christi abgeweschē sin/ glou-  
bend/ ein gemeinsame des gloubēs halb sygind: des gly-  
chen ouch so sy glycher meinüg sygind dz Christus für  
sy den tod erlitten hab/so sygind sy die gemeind die des  
lychnams vnd tods Christi teilhaftt sye. Vnd darum  
sygind sy ein brot vnd ein lychnam / dañ sy mitteilind  
miteinandre von einē brot vnd wyn. sind wort Pau-  
li. So kumt hie gegen der mensch/ vnd spricht/ es sye  
ein opfer/glych als ob Christus Jesus einist gestorben  
vnd geopfret nit in die ewigkeit hoch/tür/ vnd wārd  
gnüg sye für aller menschē sünd ze bezalē in die ewig-  
heit/der doch der ewig gott ist. Vß welchem geuolget  
ist das allehouptlastet/ wücher/ eebruch/ todschlag/  
verrättery. zc. sich vertzōst habend in disem opfer heil  
vnd ver

vnd versüenung ze findē/ dar durch sy demnach den  
opferpfaffen einen teil ired roubs vñ nam mitgeteilt  
biß das die rychtag der geistlichē alle rychtag die vff  
erdē je gewesen sind übertroffe habed: vñ sind die sünd  
nüt des mind by irē anfechtügē vñ sündē blibē/ glych  
sam sy fürhin zimlich sygind. Aber das Götlich wort  
halt solchs nit in/ sund vil ei höhers vñ heligers/ wel-  
ches ouch die gläubigē cōsciētzē vil me vbestret vnd  
nach gott gestaltet. Christus hat alle sinen vtruwen  
od gläubigē nit allein mit im selbs/ sund ouch sy vnd-  
einandré wellē v̄einigen/ dz sy nū einen geist/ liebe/ vñ  
gmüt zesamen hertind/ als er spricht Jo. 17. O heliger  
vatter behalt sy/ die du mir gebē hast/ in dinem namē  
dz sy eins sygind wie wir. Vnd bald darnach: Ich bitte  
ouch nit allein für sy (dz ist für die jünger die dozmal  
by im wared) sunder ouch für die/ so durch ir wort in  
mich glauben werdend/ dz sy alle ein ding sygind/ wie  
du vatter in mir/ vñ ich in dir/ dz ouch sy in vns eyns  
sygind. Hie sehend wir die einigheit die Christus wil  
zwüschēd vns vnd einandré/ vñ in im sin/ dz wie alle  
sine gläubigē mit sinem tod erkoufft vnd erlöset sind/  
sy ouch dannethin glych als ein lychnam/ der aber alle  
glider einhälliglich begryfft/ einhällig wärind/ vnd  
yed des andré brüd: darum das die himelisch geburt/  
da vns Christus sün gottes gemacht hat/ vns vil tü-  
rer vñ herter zemen bunde dan die lyplich. Vñ solche  
einigheit vnder den Christgläubigē zu bestatē/ hat er  
ee vñ er in tod gieng ein gmächt oder Sacramēt vfgē-  
richt/ da mit wir Christē vns ewiglich zesamē pflich-  
tind gegē einandré/ glych wie vns Christus mit gott  
v̄pflicht hat: das alle die so sich erkantend mit dē lych-  
nam vñ tod Christi erlöset sin/ vñ mit sinē blüt abge-  
weschē/ sich zu erkund solcher rat vñ widergedäch-  
nus: ouch zu einer pflicht/ das sy ein lychnam vnd ge-

meine brüderschafft sin wellind / in disem Sacramēt  
mit einandren vereinbarind / D̄z wie Christus sich für  
vns gebē hat / sich ouch ein yeder für sinē brüd̄ als für  
sin glid an einem lychnā hingeb / fürstäde / erlöse. Dis  
ist alles gründt in den wortē Christi vñ Pauli. 1. Cor.  
10. vnd 11. Wo nū dis Sacramēt by allen Christē zū  
sölchem fürnehmen für vñ für gebrecht / wäre ein ye-  
den glyd oder brüder ein grūwen yin sinen brüder ze-  
uberniessen / sinen gmahel ze eebrechen / jñ zetodschla-  
hen / oder verratē / so er in dem pflicht / D̄z Christus yn  
gesetzt hat / sich offentlich mit im verbundē hette: vñ  
wo er sölchs übertrettē / hette er das Sacramēt / das  
ein stat veriehen ist das Christus für vns gestorbē ist  
zū einer verdammus geessen vñ trunckē: dan welcher  
dis Sacramēt nüffet / der kündt vs das er gloube D̄z  
Christus Jesus den tod für jñ erlitten hab. Vñ so er  
das mit sinem brüder ist / vnd der brüder mit jñ / vñ  
zügend sy bed̄ D̄z sy erlöste kinder gottes sind / vñ des  
halb kintlich vnd brüderlich mit einand̄ sollind lä-  
ben. Darum̄ es Paulus <sup>Koeloniam</sup> nennet / das ist ein ge-  
meine vereinbarig. Vnd welcher dis Sacramēt söl-  
cher gstat nit brucht / der ist vñ trinckt im selbs ein  
verdammus. Ja so wir dis Sacramēt in sölcher mei-  
nig hettind gefürt / wärind alle laster minder vnder  
den Christen vfgangen: weder so man es für ein opfer  
vßgebē / daran die laster einen schirm gesücht habēd.  
Senn es gar argwönig ist / die pfaffheit sye wie glert  
vñ helig sy welle / gewesen / D̄z sy es für ein opfer vßge-  
ben / vñ aber da by sich selbs für den opf̄rer dar gestelt  
vnd zytlichen gnuß darum̄ genomen / vñ aber darne-  
bend des gemeinē Christē bruch nit für ein opfer / wie  
wol es nū einer ordnūg yngesetzt ist / gehebt hat. Hie-  
rum̄. G. Herr sye iwer arbeit gedancket / Dero wir sid  
mal sy nit st̄cker im götliche wort ggründt / wol het  
tind

tind mögē gerüchen: den hettend wir wider das wort  
gottes wellē menschē lerē hören/ wāre vns der meinūg  
ūwers ganzen bŭchs ghein mangel gewesen: dan wir  
ye der meinung sind dem hāllen wort gottes vnabge-  
lassen nachzēkommen/ so vil gott gibt: vnd alles so sich  
darwider vfericht hat/ mit gottes hilff widrum ab-  
zubrechen: nit vß vnseren/ sunder vß gottes radt vñ  
krefte. Zū dem wir vns gwüßlich versehend/ er wer-  
de das er angefangen hat zū eer vnd lob seines namens  
volendē. Im sye lob vnd danck in die ewigheit gesagt  
Amen. V. G. sye ouch hie samt iren glerte gebārtē/ dz  
jr nützd anderst von vns hoffen wellind/ den zū wel-  
cher stund man vns mit dem görtlichen wort erwyst  
vnrecht verstan/ das wir vns vō irumb gern wellēd  
lassen wysen: dz wir aber menschē leren annemen wel-  
lind/ die richtig mit dem gotz wort stryend/ meinend  
wir nit allein vns/ sunder allē Christē menschē keins  
wegs gezimē. Vernem V. G. alles im besten. Sess  
glychen ouch jr gelerten/ mit denen wir oft in sunder-  
heit geredt habend/ vnd wo ir meinend ūch vnbillich  
geschēhen sin/ zeigend das mit offnung ūwer namen/  
wellend wir gebürlich antwort gebē. Sygind hie mit  
samt vnserem genādigen herrenn beuor Gott beuol-  
hen. Haben zūrich. 2c. 18. tags Augusti. Nach der vn-  
befleckten geburt vnserers heilands Jesu Christi  
M. S. XXIII. Jar.

¶ Getruckt zū Zürich durch Chri-  
stophorum Froschouer.

Cap. 1

Faint, illegible text, likely bleed-through from the reverse side of the page.





10



